

ҲАМРОҚУЛ АСҚАР

ДАРЁ

ШЕЪРЛАР, ҚЎШИҚЛАР,
ТЎРТЛИКЛАР

Алишер Навоий номидаги Ўзбекистон
Миллий кутубхонаси нашриёти
Тошкент -2006

Ўзб. 2426. 2 сарлари -

Шеърлар

Ушбу китобимни отам Раҳмат Асқар
Жўра ўғлиниг порлоқ хотирасига бағишлайман

84(5Y)6-5

A90

Асқар, Ҳамроқул.

A90

Дарё: Шеърлар қўшиқлар, тўртликлар/
Ҳамроқул Асқар.—Т.: А. Навоий номидаги
Ўзбекистон Миллий кутубхонаси
нашириёти, 2007. — 160 б. - Б.ц.

ББК 84(5Y)6

10 32824
2g,

Ҳамроқул Асқар “Сўз изтироби”, “Тонгнинг бедор кўзлари” шеърий тўпламлари ва ҳукуқий, фалсафий мавзудаги мақолалари билан адабиёт муҳлисларига яхши таниш. Ушбу муҳтасар сайланмага унинг чоп этиш учун тайёрланган «Истиқболни соғинган сатрлар», «Бағишловлар», «Аёлга мактуб», «Олмалар», «Ҳаёт арабаси» каби тўпламларидан бугунги давр руҳига мос айrim шеър, қўшиқ ва тўртликлар жамланган.

ISBN - 978-9943-06-025-5

20.08

A604

Alisher Navciy
nomidagi
O'zbekiston Mf

© Ҳамроқул Асқар –
Ҳамроқул Раҳмат Асқар ўғли,
© Алишер Навоий номидаги Ўзбекистон
Миллий кутубхонаси нашириёти, 2006 йил.

УМИД

Ҳеч қачон дилимда сўнмади умид,
Ҳамиша ошиғу, ҳамиша мафтун!
Яшадим, ҳамиша кўриб тараддуд,
Гоҳо Фарҳод бўлиб, гоҳ бўлиб Мажнун!

Гоҳо, ойлар келиб кўксимга чўкди,
Гоҳо, қамаштирди кўзимни офтоб.
Кундуз юрагимга гулларин экди,
Тунлар нигоҳимдан ёришди атроф.

Ҳамиша, ҳамиша ёниб яшадим,
Асло, эгилмади бу мағрур бошим.
Пастларга султондек назар ташладим,
Сира тарк этмади метин бардошим,

Ғанимга тик қараб ёнди нигоҳим,
Хоинлар қўрққанда ўз соясидан.
Қўрқувга басма-бас юксалди руҳим,
Илоҳий қурдатлар ҳимоясида.

Ҳеч қачон дилимда сўнмади умид,
Ҳамиша ошиғу, ҳамиша шайдо!
Унутган маҳалинг бўлурман унут,
Эслаган чоғингда бўлурман пайдо!

Ҳамиша, ҳамиша ёниб яшадим,
Сира тарк этмади метин бардошим,
Фақат дўст олдида айладим таъзим,
Фақат ёр қошида эгилди бошим!

1991 йил

**ВАТАН СЕВМОҚ -
ИБОДАТДИР**

Ватан, дўстим сену менга,
Яратганинг эҳсонидир.
Ким қадрига етгай анинг -
У инсонлар инсонидир.

Ватан севмоқ ибодатдир,
Ватан севмоқ саодатдир!

Ватан десам юрак яйраб,
Самоларга чоғлангайдир.
Ватан десам кўзларда ёш,
Хаста юрак соғлангайдир.

Ватан дея ҳайқирма дўст,
Ватан дилнинг тўридадир.
Созларингни тоблагувчи,
Юрагингнинг қўриладир.

Ватан севмоқ ибодатдир,
Ватан севмоқ саодатдир!

Ватан қадрин қайдан билсин,
Дунёталаб сўқир, дайди.
Ватан фақат сену менмас —
Бутун халқни болам дейди!

Ибодатлар гўзал бўлғай,
Саодатлар гўзал бўлғай,

Қачон Ватан озод бўлғай,
Қачон Ватан обод бўлғай.

Ватан севмоқ ибодатдир,
Ватан севмоқ саодатдир!

17.10.88.

* * *

Ҳали, Офтоб келар зар сочин ёйиб,
Ҳали, Ой келади қиздай жилмайиб.
Тонги шабнамларга юзларин чайиб,
Бир бола олдимдан чиқар бир куни!

Сен каби бағри кенг, сендай меҳрли,
Сен каби бир сўзли, сендай сабрли!
Мендан иродали, мендан фуурли –
Бир бола олдимдан чиқар бир куни!

Золимлар кунба кун ҳаддидан ошар,
Силкинсанг, дардларинг кўзингдан тошар.
Балким, сени қўллар, менга қараашар –
Бир бола олдимдан чиқар бир куни!

Ичингда бир довул бўрон бошланар,
Унга қараб турсанг кўзинг ёшлинар,
Ёвларнинг устига шердай ташланар –
Бир бола олдингдан чиқар бир куни!

1988 йил

* * *

Мажнун Лайлисига етаолмади,
Фарҳод ҳам дил узид кетаолмади.
Шоир ҳам бор гапин айтаолмади,
Сен қандай етишдинг бундай висолга?

Менинг жонимни ол., деди бириси,
Меникини ол., дер сулув париси.
Меҳрибон эдилар ёши қариси —
Сен қандай етишдинг бундай висолга?

Боболар Оллоҳдан дийдор сўраган,
Гул юзли, вафодор дилдор сўраган,
Ҳар бир сўраганда минг бор сўраган —
Сен қандай етишдинг бундай висолга?

Гоҳо, хаёлимдан уялиб юрдим,
Пинҳон саволимдан уялиб юрдим,
Кирқ йил аёлимдан уялиб юрдим —
Сен қандай етишдинг бундай висолга?

2004 йил

ҲАНУЗ

Ҳануз, Мажнун саҳрова дайдир,
Ҳануз, Фарҳод тоғ тешар бунда.
Ҳануз, ёвузларнинг пичоги майдир —
Ҳануз, баҳодирнинг қисмати кунда.

* * *

Сен бу дунёниг гули, шарбати,
Сен бу борлиқда ёлғиз топганим.
Сенгадир қалбимнинг тафти, заҳмати,
Излаганим сенсан, йўқотганим сен.
Сенинг кўзларингни қуёш дедилар,
Нигоҳингни дедилар қилич!
Уларнинг биттаси Навоий эди,
Уларнинг биттаси Ҳофиз...
Шулардан ўтказиб нима ҳам дердим
Кўзимда ёш билан орtingдан чопдим.
Асаби бузулган шу асрда мен,
Гоҳ сени йўқотдим, гоҳ сени топдим.
Ҳар лаҳзам ғанимат ҳар лаҳзам лазиз,
Севгининг бетакрор лаҳзаларида...
Севгилим!
Faюрлар сўзига солмагин қулоқ,
Муҳаббат сайлига шошил салқинда.
Кўзларимга тикил, лабларимдан ўп —
Мен хабардорман ҳамма нарсадан.,
Хеч нарса билмайман сенинг ҳақингда!

1985 йил



* * *

Дараҳтлар неча бор баргини тўқди,
Келиб кетаётир қанча баҳорлар.
Хотирам лавҳига кеч етиб келди
Мунис нигоҳларинг берган хабарлар.

Олис юлдузларга боқиб чарчадим,
Бу замин чексиздир, бу кўк белоён.
Ҳеч кимса дилимдан эмас хабардор,
Ўзимдан ўтгани ўзимга аён.

Сен юрган йўлларга ҳамиша бағрим,
Кўзимда ёш билан нигоҳ ташладим.
Мен сени ҳамиша соғиндим эй, гул,
Мен сени ҳамиша севиб яшадим.

Бизга кулиб боқдан кибрли дунё
Доим кемтиб келди имконларимни.
Бағримдан довулдай юлиб олди-ку,
Кўнглимга энг яқин инсонларимни.

Мен бўйин эгмовдим дунёга мағрур,
Сен боис ёлбордим, сени сўрадим.
Мен сени ҳамиша соғиндим эй, гул,
Мен сени ҳамиша севиб яшадим.

Ҳатто, хундорлар ҳам ярашар бир кун,
Ё, қасос лаззатин бахш этар қазо,
Бунча меҳрибонсан, бунча бераҳм,
Шафқат ҳам демассан бермассан жазо,

Қани энди кел!
Ёмғурдай сочили —
Қалбимнинг поёнсиз бўшлиқларига.

Мен сени ҳамиша ошно этаман,
Кўнглимнинг энг пинҳон қўшиқларига.

Шу осмон остида кимни учратсам:
— Уни кўрмадингму., дедим, сени сўрадим.
Мен сени ҳамиша соғиндим эй, гул,
Мен сени ҳамиша севиб яшадим.

1985 йил.

ЁЛГИЗМАН

Ёлгизман ёнимда ҳамсафарим йўқ,
Фарибман шаҳрингда ҳамشاҳарим йўқ.

Ҳажрингда илондай тўлғондим эй, ёр-
Мор бўлсам не учун айт, заҳарим йўқ.

Ўликман, тирикман, олмассан хабар,
Ё, хабар олсангда мен хабарим йўқ.

Комронсан дедилар кийгаздилар тож,
Гар, ғолиб эрсам мен, не зафарим йўқ.

Тонгларни кутдим мен тунларни қарғаб,
Тонг отди дедилар не саҳарим йўқ.

Ёлгизман, ёнимда ҳамсафарим йўқ...

1989 й.

* * *

Қор ёғса ҳам негадир иссиқ,
Дарахтга суюниб аста хўрсиндинг.
Ҳавони илитар илиқ нафасинг,
Дарахтга суюниб хаста хўрсиндим.

Бу қирларда бўлган кўп қирғин,
Энди менга нима фарқи бор.
Эслолмадинг., минг йиллар бурун,
Учрашгандик шу ерда дилдор.

Ўшанда ҳам бўлгандинг надим,
Мен уйкусираб сескандим чоғи.
Ёнингга сал сурилган эдим,
Тегмасин деб милтиқ қўндоғи...

Ҳилпиарди дарахт шохидা,
Шол рўмолинг гўё байроқдай.
Ўшанда ҳам исминг Шохидা,
Сийналаринг оппоқ қайроқдай.

Эсингдами, бир тўп йиртқич куш,
Тепамизда турди қувлашиб.
Тонг отгунча байталинг-ла хуш,
Қора отим чиқди қувлашиб.

Эслолмайсан., хотиранг тўзғиб,
Мана.,
Мана, ўша., йўқотган нарсанг.
Фақат тоғлар бироз бўй чўзиб,
Сал-пал ерга ботибди харсанг...

Минг йил ўтиб ўша манзара,
Сал жилмайиб, мендан ийманиб —

Турибсанку елкангни тираб,
Балким, дараҳт сенга суюниб.

Шу учрашув, висол ҳурмати,
Чайла құрдим бамисли қаср.
Сочларингни силагунимча -
Үтиб кетди яна беш аср...

Бул кун сени соғиниб жоним,
Чертдим замин дарвозасини.
Яна ўша вақт деган ғаним,
Күрсатди-ку думғұзасини...

Қор ёғса ҳам негадир иссиқ,
Дараҳтга суюниб хаста хўрсиндинг...

17.07.04. Тошкент.

* * *

Яшасанг -
севиб, севилиб,
ҳар куни учрашиб, ҳар кун соғиниб!
Гўдакдай йигласанг,
қолсанг овуниб
варраги дараҳтга қолган илиниб.

Ҳаёт шу -
Севсанг, севилсанг,
Юрагинг меҳрга, нурга чўмилса!
Чин саодат шул!
Қолганлари ёлғон,
Ёлғон...

САФАР БОРДИР

Олдимизда ҳали катта
сафар бордир, сафар бордир,
Нокас дўстлар қўйган майда –
заҳар бордир, заҳар бордир.

Бўйин эгма золимларга,
кўзинг узма гулжамолдан,
Бу лаззатлар билки рўё,
тагин неча нафар бордир.

Сен Офтобга тик боқмагил,
бу шерларнинг имконидир.
Кўп изғима зулматларда –
тун ортида саҳар бордир.

* * *

Кимга бағишлийсан ўзингни санам.
Бул ақиқ лабларинг кимники эй, гул?!
Falat бир истакда ўртаниб танам,
Ажиб бир ҳасратда қовжирар кўнгил.

Мен ёниб, ўртаниб ёр суйган эдим,
Афсус, сен дилимдан бўлмадинг огоҳ.
Қаҳринг келганини неча бор кўрдим,
Адашиб нигоҳинг тушганида гоҳ.

Бу сенинг хоҳишинг, майлингдир жоним,
Бир нафас тегрангга боқсанг бўлмасму!
Дўст деб юрганларинг эмасми ғаним,
Душман деганларинг дўстинг эмасму?!

Кимга бағишлийсан ўзингни санам.
Бул ақиқ лабларинг кимники эй, гул...

* * *

Энг тоза кўйлагинг эгнингда,
Энг тотли сўзларни сўзладинг.
Билмадим не кечди кўнглингда,
Ерниму, фалакни кўзладинг?

Сен заминда туғилиб ўсган,
Самовотга тегишли малак.
Майли, жаҳон ҳажрингда кўйсин,
Чунки, сенинг ўрнингдир фалак!

Сен фазоларни кезсанг ярашар
Боқма, бу дунёning эркакларига.
Қўлларингни бер олиб кетайин-
Муҳаббат мулкининг эртакларига.

Кунлар чиқсин кўнглингта қараб,
Ойлар ботсин кўнглингта қараб.
Шаббодалар қувончдан толсин,
Сенинг сунбул соchlаринг тараб.

Кел, бир нафас ёнимга ўлтири,
Кўзларингдан ўпайин суюб.
Эй, воҳ қалби тоза инсоннинг,
Дийдорига бўлмайди тўйиб...

1980 йил



КҮНГЛИМ

Күнглим, сенинг қошингта,
Төглар келиб йиғлаган.
Қанча Мажнун бوش уриб,
Фарҳод кўксин тиғлаган.

Күнглим, сенга талпиниб
Хониш қиласар юлдузлар,
Сенга малол етганда —
Тундай бўлар кундузлар.

Бойўғилилар боғингда,
Булбул бўлиб сайраган.
Илонлар пари бўлиб —
Девлар эртак сўйлаган.

Кетолмасман узоқقا,
Софинаман ўзингни.
Термулар Онам каби —
Осмон сенинг кўзингму?!

Ёр кўксима буш кўйса,
Нурланар офтоб каби.
Оловланар яноғи,
Олланар ёқут лаби.

Күнглим, сенинг пойингта,
Төглар келиб йиғлаган.
Илдизлари қақшаган —
Боғлар келиб йиғлаган!

ЁМФИР

Хуш бўйларга тўлди ҳаволар,
Сирдошимдир сирли саболар.
Юрагимда мунгли наволар —
Оҳ, ёмфир, оҳ ёмфир, оҳ ёмфир!

Яна келдинг соғинган эдик,
Сени дилдор, сени дўст дедик,
Биз ҳам сендеқ ёғинган эдик —
Оҳ, ёмфир, оҳ ёмфир, оҳ ёмфир!

Осмон гўё кўксимга ошна,
Кундуз яшна, тунлари яшна,
Юрак яна меҳрингга ташна —
Оҳ, ёмфир, оҳ ёмфир, оҳ ёмфир!

Сочиласан кўқдан камондан,
Дилни поклаб яхши ёмондан,
Сен илоҳий мужда осмондан —
Оҳ, ёмфир, оҳ ёмфир, оҳ ёмфир!

Ювдинг ёшли нигоҳимизни,
Колдирмадинг гувоҳимизни,
Ўзинг ўтгил гуноҳимизни —
Оҳ, ёмфир, оҳ ёмфир, оҳ ёмфир!

2004 йил.



ТОНГҚУШ

Бир қушча боғингта
келди-ю, қўниб,
Айтарин айтолмай
хонишлар қилди.
Гулларинг ром этди
сенга термулиб,
Айтарин айтолмай
бағрини тилди.

О, менинг қушгинам
сўнг кетди учиб,
Билмадинг, боғингда
куйлари толди.
Кечикиб англадинг,
уйғондинг чўчиб,
Айтмоқчи сўzlари
кўзида қолди.

О, менинг қушгинам
сўнг кетди учиб,
Ортиқ бузмайин деб
дилдор, тушингни
Қарамай ўтаман
ўзга боғларга,
Кўриб қолмайин деб
сенинг қушингни.

1982 йил.



* * *

Ўзга юртда бир нотаниш қиз,
Йўл сўради кўзларида сир.
Танҳо эди кўзлари наргис,
Мен ҳам бунда ёлғиз мусофир.

Йўл сўраган нотаниш дилбар,
Ол юзларинг топмасин тўзим.
Ўзгалардан сўрмагин зинҳор,
Тўғри йўлни билурман ўзим.

Ул майлга айлаб ихтиёр,
Кўзларимга боқди хайриҳоҳ.
Гулчехрада барқ урган баҳор,
Юрагимга кўчди баногоҳ.

Ёт шаҳарда билмасдан тиним,
Кездик роса сарсон, саргардон.
Чарчоқ нима билмади таним,
Ҳамсафарим эди меҳрибон!

Бу шаҳарни билмам ким қурган,
Аён, билмас мендан зиёда.
Дунёдаги гўзал қиз билан,
Кезиб чиқдим уни пиёда.



* * *

Ташриф шундай бўлди, кутилмаганда,
Ногоҳ нур сийлади нигоҳларимни.
Эритиб юборди иссиқ нафасинг –
Сенгача орттириган гуноҳларимни...

Муҳаббат!
Гул битсин қадамларингга,
Майлига, кўксимни айлагин шудгор!
Мен сендан ҳамиша карамлар кутдим,
Яшадим, ҳамиша бўлиб умидвор.

Тақдирнинг илоҳий саховатлари,
Яна меҳмон бўлди кўксимга менинг.
Дунёнинг омонат, тунд ҳаловатлари,
Кўрдим,
Фубор солмиш чеҳрангга сенинг.

Муҳаббат!
Гул битсин қадамларингга,
Энди, сенга қолган жонимни берай.
Айтгин, кулмасинлар надимларингга,
Ердан оёқ узай, қанотим керай.

Заминнинг чанг босган, занг оғушлари,
Қачон обод бўлғай, қачон саришта?!
Юракни ўртайди жим боқишиларинг –
Исмингни айтиб кет гўзал фаришта!

... Ташриф шундай бўлди кутилмаганда,
Яна кўнгил равшан, озод, саришта.
Муҳаббат!
Гул битсин қадамларингга,
Исмингни айтиб кет гўзал фаришта!

* * *

Бир эркин күшиқлар куйламоқ истар,
Бир озод диёрни құмсайди юрак.
Олис үлкаларга бош олиб кетсам —
Бир ташна илинжда энтикар күкрап.

Кетсам дейман сира қайтмасам,
Күнглим колган бу маконга ҳеч.
Кундуз ёниб күшиқлар айтсам,
Ором олсам тушганида кеч.

Бу оламда кенгликлар бормиш,
Чаман бормиш бизлар билмаган.
Бизлар тахлит одамлар бормиш,
Дийдасини ситам тилмаган.

Юрак ёниб самони күзлар,
Пуч хаёллар сигмайди шеърга.
Пок түйғулар кўкка бошлайди,
Гуноҳимиз тортади ерга.

Бу хом хаёл., балким, бир рўё,
Лекин, кўнгил талпиниб ҳалак,
Осмон бизга боққайми қиё,
Паноҳига олгайму фалак?!

1990 йил



БАҲОР

Бўй кўрсатиб хут, ҳамал,
Хуш бўйлар елиб қолди.
Таралди абри найсон,
Баҳор ҳам келиб қолди.

Наъматақ об ташлади,
Харсанѓтош тоб ташлади,
Қорқизнинг кўйлагидан —
Тоғ озроқ юлиб қолди.

Оловланди, олланди,
Кўкда камон солланди,
Сув буулутга ёлланди —
Ариқлар тўлиб қолди.

Илдиз беҳол тўлғонди —
Бойчечаклар уйғонди,
Лайлак қарға бўйнига —
Чўп билан солиб қолди.

Қиз, жувонлар яйрайди,
Беданалар сайрайди,
Баҳорбону қирларга —
Кўйлагин илиб қолди.

Тўпланди қирқта малак,
Тайёр бўлди сумалак,
Саксон ёшли кампирлар
Қиқирлаб кулиб қолди.

Дехқон уруғ қадайди,
Шоир кўкка қарайди,
Чўпон қирга термулиб
Хаёлга толиб қолди.

Янги аср бошланди,
Улкан одим ташланди,
Кимнингдир бағри тұлиб,
Кимлардир нолиб қолди.

Қафаслар бузулғандир,
Кишаңлар узилғандир,
Нокас ғаним қонсираб
Бағрини тилиб қолди.

Хур бўлса агар одам
Икки дунёнг бир қадам,
Дунё аҳли ўзбекнинг
Мардлигин билиб қолди.

Юр, азизам кезайлик,
Ер тафтини сезайлик,
Тоғларга борганимга
Кўп замон бўлиб қолди.

ЧЎЛПОНГА ИҚТИБОС

Бир тутам соchlаринг қўлда ўйнарман,
Ҳар толим сочингга умрим сочай мен.
Қора соchlарингдай қорайса умрим,
Қора кечмишимдан қайга қочай мен.

Қора соchlарингдай қорайса умрим,
Сунбул соchlарингни кимлар тарайди?
Сен ўзинг қарғардинг вафосизларни
Энди қарғишларинг сени қарғайди.

Сен ўзинг қарғардинг вафосизларни,
Бул кун қарғишларинг сени қийнайди.
Ҳар толим сочингга умрим сочай деб
Энди соchlарингни кимлар ўйнайди?

ЁДИНГДАМУ...

Сен Навоийга тобин,
Ул шайх Жомийга аймоқ.
Биз Махтумқулига тирноқ,
Насимий ёдингдаму?

Олтойу, Помир иноқ,
Битта илдиз, битта япроқ,
Боиси ушбу тупроқ —
Яссавий ёдингдаму?

Авлиё Термиз бобо,
Нақшбанд Ҳақдин сабо,
Эгнида адрас қабо,
Увайсий ёдингдаму?

Атоий ҳамда, Ҳувайдо,
Хожай Жаҳон деган жойда.
Юсуф Ҳамадон руҳи пайдо,
Бухорий ёдингдаму?

Мансурнинг қони сачраб
Уйғонди бобо Машраб,
Ёришди сокин атроф —
Гулханий ёдингдаму?

Кўксида армон қат-қат,
Нодира момом хилқат,
Дардингни олур Фурқат —
Муқимий ёдингдаму?

Насимий ёдингдаму,
Яссавий ёдингдаму,
Навоий ёдингдаму,
Фузулий ёдингдаму...

* * *

Қүшлар тарқ этибди бизнинг боғларни,
Бутқул сарғайибди далалар, қирлар.
Сенинг кўз ёшлиаринг эдими, бағрим,
Менинг тушларимга кирган ёмғирлар...

Мен минг марта севаман дедим,
Бўғзимга сифмаган сўзларим билан.
Сен минг марта севаман дединг,
Йигидан қизарган кўзларинг билан.

Сен кимдан кам эдинг, мен кимдан ҳақир,
Кетдинг кўзларингда осмон акс этиб.
Бизни адаштириб шод бўлган тақдир,
Қолди ортимиздан қаҳ-қаҳа отиб.

Кимга сифинаман кимга йиглайман,
Кимнинг кўкси бўлар сўнгти масканим?!
Наҳот азоб эрур, гуноҳдир наҳот —
Менинг одамлигим, инсон эканим.

Қүшлар тарқ этибди бизнинг боғларни,
Бутқул сарғайибди далалар, қирлар...

1982 й.



* * *

Менга умр берган табиат,
Ёр ҳам берди сен каби гулюз.
Юлдуз тұла Ватан осмонаи,
Сен ўзингсан энг ёруғ юлдуз!

Бу дунёга келиб ёлғизим,
Сени севдим, бир сени топдим.
Шул суюкли чүлпон күзларга,
Тикилмоқлик бахтини тотдим.

Ёш юрагим ишқ билан тұлуғ
Үлим бизга бермагай завол.
Покизадир чунки сүйганим,
Фариштадир бамисли хаёл.

Хаёл бизга ажыб дүст әрүр,
Самоларни қучар дастрарим.
Биз ҳаммамиз әркин қүшлармиз,
Лек, севгиға қулмиз дүстларим.

* * *

Күрдимки, дунёда қонунлар күпdir,
Улар қайнатади менинг қонимни.
Севгилім, сен менга лабингдан ўптири,
Токи,тан олмайин бирор қонунни.

Омонат умримда күп ўлим күрдим,
Хатарга тұладир чор тараф гулим.
Кеча мен сенинг лабингдан ўпдим-
Мени ўлдиролмас ҳеч қандай ўлим.

* * *

Топширди энг сүнгги фурсатни тақдир,
Барвақт қўлимиизга ўйламай нетмай.
Таъна қилолмасмиз унга барибир,
Бахт ҳам юз ўғирди қўлимииз етмай.
Оташин ишқингда ўртандим бебош,
Ёмғурдай ёғдирдим туйгуларимни.
Лекин, тополмадим бирон бир сирдош,
Баҳам кўрмоқ учун қайгуларимни.
Танҳо бир ўзимга аён ғамларим,
Мусоғир мисоли яшар дилимда.
Кундан-кун кўпаяр ғамгин дамларим,
Кимдир чиқиб қолар ногоҳ йўлимда.
Сени эслатар у бепарво санам,
Сезаман ўзимни танҳо гуноҳкор.
Гўё, тонг нурида буғланган шабнам,
Мисоли қалқийди ўткинчи иқрор.
Бул кун ўзгададир юрагинг майли,
Қадрдон исмингни шивирлар лабим.
Аммо, тан оламан шу ишқ туфайли,
Бокира ҳисларга тўлди юрагим.

1981 йил.

ТИЛСИМ

Лайли бўлмаганда бўлмасди Мажнун,
Фарҳод қайда эди бўлмаса Ширин.
Дунёда не тилсим, қанча сеҳр бор —
Муҳаббат деган сўзда яширин.

* * *

У энди ҳеч қачон қайтиб келмайди...
Үша тун сезганман пинҳон жаҳдидан,
Ялиндим, ёлвордим:
— Худойжон,
уни қайтар дедим, тушсин жаҳлидан.

Саҳар туриб ибодат қилдим
Ўтгин дея гуноҳларимдан.
Кўли баланд келди яна нафратнинг
Менинг заиф дуоларимдан.

Одамлар тинмасдан елиб, югуриб,
Тиклашар вайрона шаҳарларини,
Фаввослар бир зумда топиб берурлар,
Ногоҳ сувга чўккан гавҳарларини.

Менинг хам кўксимга бир тун чўкди-ю,
Кетмай туриб олди оғир юқ солиб,
Мен қайси сultonга шикоят қиласай
Кимга арз этурман ўзимдан нолиб.

Менинг хам кўксимда бир шаҳар портлаб,
Одамлар изиллаб, солмоқда уввос.
Тинимсиз шўнгийман қора зулматда
Мен бу дунёда энг баҳтсиз фаввос.

...У энди ҳеч қачон қайтиб келмайди,
Үша тун сезганман пинҳон жаҳдидан...

1988 йил. Самарқанд

ЭСЛАШ

Ҳаммаси тугаган...
Кўмсайман гоҳо,
Кўпдан йўқотганим сирдош хаёллар.
Барглари тўкилган дарахтнинг гўё,
Мажруҳ шохларини силкир шамоллар.
Баъзан юрагимнинг бўм-бўш саҳросин,
Тўлдиргандай бўлар ҳаётбахш бир сас.
Ўтган кунларимнинг мубҳам рўёсин
Чулғайди ногоҳон ҳаётий либос.
Шунда пайо бўлар ул таниш руҳсор,
Паноҳ излашади ҳорғин қайгулар.
Руҳимда курашар иқрор ва инкор,
Юракни тилкалар турфа туйгулар.
Гўё, танимайсан, боқасан ғамли,
Гапларинг пойма-пой, қийнайсан сўзни.
Қаҳ-қаҳ куласану, кўзларинг намли,
Шодмон кўрсатмоқчи бўласан ўзни.
Сен қаҳ-қаҳ куласан бардошим етмас,
Дўстим, кулгуларинг айлайди беҳуш,
Менинг қулоғимга кулгулар эмас —
Ёлғиз эшитилар йиғлаган товуш!

1982 йил.

МЕРОС

Ялонғоч келгандик, заминга аммо,
Асли, ватанимиз ул олис само.
Хотиннинг гапидан чиқаолмаймиз —
Одам отамиздир, онамиз Ҳаво.

ИЛК СЕВГИ АРМОНЛАРИ

Гулнинг япроғига шабнамлар шайдо,
Уфқлар ортига йўл олар Қуёш.
Лаҳзада фалакни тарқ этар зиё,
Нигоринг кўзида яна қалқар ёш...
О, муҳаббатга солгувчи яғмо,
Риштасимон ёвузлик бебош!
Аммо, тонгда балқигай Қуёш!

Қирларда гуллар ҳам унади шунда,
Ўтлоқзор, майсазор, боғлар ичинда.
Лекин., тиконгул ҳам ўсгайдир бунда,
Дилларнинг бокира севгиси аро,
Охири не бўлгай, билмам, алҳазар!
Шубҳалар, гумонлар, юракни эзар...

Гуллар нозланадир чаманлар аро,
Уммонлар ортидан қайтгайдир Қуёш!
Лаҳзада фалакни чулғайди зиё.,
Нигоринг кўзида яна қалқар ёш?!

О, ишқ аҳлини қўлловчи Ҳаллоқ,
Рашку, гумонларда ўрганмасин дил,
Азиз этган эдинг., тағин азиз қил!

Кувнарди дилларнинг алласи каби,
Ўтган кунларингнинг наъшу-намоси,
Лекин, юракларни ларзага солди,
Дилда айрилиқнинг аччиқ нидоси.
Осмонда балқанда ул қодир Қуёш,
Шамолда булатлар аста тўкар ёш...

Гулзорингдан эсганда еллар,
Узоқлардан салом элтарлар.
Лабингдан сачраган, соғинчлар-селлар,

Нигоринг қалбига охир етарлар.
Орзиқиб кутганинг висол дамларин,
Ризқи олий дея кутиб қолгаймиз —
Ажойиб қунларда бирга бўлгаймиз...

Шоҳ Усмон -1979-80 йй.

* * *

Кўз ёш тўқдинг,
хўрсиндинг,
қаҳр билан қовушар эшик.
Бу уйдаги неки бор бўлса
кўзларимга кўринар шумшук.

Шу эканда бор йўғинг ҳаёт,
кўнгил сўраб имлайди китоб.
Сўқир каби сезмабман бағрим
кўзларингга ўхшаркан офтоб.

Кўкрагимга ёғдулар тўлди
нигоҳимни қиздириди қуёш.
Мен бор йўғи одамман жоним,
мен бор йўғи бир тирик бардош.

1981 йил.



* * *

Мени ўз қошига чорламас бирос,
Менинг ҳам ҳеч кимни тусамас күнглим.
Тундай соchlаримга қўнди-ку қиров,
Кўзимнинг нури ҳам оз қолди гулим.

Дунё неъматларин хўп тотиб кўрдим,
Томирда кўпириб оқди гуноҳим.
Фазоларни тутди ўтли фарёдим,
Лек, дастим етмади сенга эй, моҳим.

Энг яқин дўстлар ҳам унудти ҳайҳот,
Сен ҳам унугансан мени гулжамол.
Ногоҳон ақлимни киргазди ҳаёт,
Аччиқ таъналарим келмасин малол.

Турмуш ташвишлари комига тортган,
Ёру-жўраларга таънам йўқ ортиқ.
Энди у кунларнинг қуёши ботган,
Энди у кунлардан хотира тортиқ...

1984 й.

* * *

Туни бўйи шивалаб ёғди
Туни бўйи шеър ёғди эзиб.
То тонггача ўртанди жоним
Сендан кечиб, ўзимдан безиб.

То тонггача ўртанди жоним
Жон чиқарга бир дам кифоя.
Айтолмадим, айтаолмадим -
Мен ҳам сендеқ севардим дея...

1985 йил.

* * *

Тонг құшлари келиб кетдилар,
Деразанғда сайрашиб узоқ.
Билмам улар қайга етдилар,
Йүлларида беомон тузоқ...

Ётогингни куйга түлдириб,
Сүңг кетдилар күзлари маъюс.
Куйларини сенга қолдириб,
Мунгларини таширлар олис.

1982 йил.

* * *

Кеча келган эдим, бугун ҳам келдим,
Кетдим юрагимни ўтларда ёқиб.
Кеча кеттан эдим, бугун ҳам кетдим,
Буғам дарёсида хас каби оқиб.

Мен биламан бу чүлпон күзлар,
Қайтиб мени күрмаслар ортиқ.
Лабдан учган аламли сўзлар
Севгимиздан абадий тортиқ.

Мен кетаман қолар бу боғлар,
Япроқлар ҳам ташлайди ларzon.
Тақдирдошим шу соқов тоғлар,
Сирдошимдир шул фасли хазон.

1982 йил.

ХОЛ

«Агар күнглимин шод этса,
үшал шерозлик турк жсанони,
Қаро холига бахш этгум
Самарқанду, Бухорони.»
Хофиз Шерозий.

...Бу бир шеър устида бўлган тантилик,
Қанча озор етди шоир жонига...
Гўзалик, покликка буюк ҳайрати,
Мангулик бахш этди Ҳофиз номига.

Барча шарқликларнинг томирларида,
Сахийлик гулоби оқар азалдан.
Имкон тополмасак ҳотамтойликка,
Шаҳарлар берурмиз шеърда, ғазалда.

Қадимдан покликка сажда қилганлар,
Ҳақнинг жамолига охир етганлар.
Ол чачвон остидан ой балқса бир бор,
Боболар ҳасратда ёниб ўтганлар...

...Ром этди қаро хол, ол яноқ санам,
Шикаста юрагим яна ғамники.
Холлар мадҳиясин бошлаганим дам,
Дилдор ноз айлади: «дугонамники»...

Менинг танти бобом нечун қисиндинг,
Руҳинг боқий қолиб жисминг ўларкан?!
Шероз дилбарининг холи чин бўлса,
Маҳрига жаҳонни берсанг бўларкан!

Улуг аждодларим сўрайман Сиздан
Неларнинг уволи урди бизларни?!

Алпомиш келбатли не, не йигитлар-
Етаклаб юрибди сохта қизларни.

Дилларни қон қилди алдов, хиёнат,
Ортиқ эъзозладик сунъий имконни.
Тўшаклар пок бўлсин, холлар табиий,
Кучоқлаб ётмасин йигит гумонни.

Қизларжон!

Шу юрак, шу хокисор тан,
Шакарлаб, бир калом сўзингизники.
Жаҳонни баҳш этгум холингиз учун,
Фақат улар бўлсин ўзингизники!

1984 йил.

* * *

Бу дунёда учрашмадик биз,
Сени кутдим Ерbekатида.
Биз билмаган нимадир бўлди,
Юлдузларнинг ҳаракатида.

Мен эртароқ келганман балким,
Балким, келиб кетгансан жоним!
Сен кечикиб келгансан балким,
Мен бу ерни тарк этган оним.

Бу дунёда учрашмадик биз,
Сени кутдим Ер bekатида...

1989 йил.

«ДҮСТ БҮЛСАНГ..,»

Дүст бүлсанг ёнимда тур
нолалар айлар ҳофиз,
Күз тикиб узокларга
содиқ дүст излар ҳофиз,
Топаолмай дүсти содиқ
қайтадан бүзлар ҳофиз —
Эй, дүстлар, дүст йүқдир
Оллоҳдин ўзга!

Дүст тополмай Машраб бобо
күк сари учеб кетди,
Қанча сүфий, анбиёлар
туфроқни кечиб кетди,
Дүст сүраб нола чексам
Офтоб ҳам чүчиб кетди —
Эй, дүстлар, дүст йүқдир
Оллоҳдин ўзга!

Ёлғон десам бу дунёни
ёқамдан олдиларку,
Сүнг ечолмай бул жумбоқни
хаёлга толдиларку,
Қанча зўрлар мунгайиб,
лол бўлиб қолдиларку —
Эй, дүстлар, дүст йүқдир
Оллоҳдин ўзга!

Мулки дил вайрон эрса,
бу жаҳон вайронадур,
Аҳли ғоғиллар сархуш,
то ҳануз ҳайронадур,
Бор тирик жон охир ул кун
Ҳақ дебон ёлборадур —
Эй, дүстлар, дүст йүқдир
Оллоҳдин ўзга!

Асли, дўстлар шул замин
муҳташам мозоримиз,
Келди, кетди авжида
қайнаган бозоримиз,
Юр, азизам, ҳеч кимсага
етмасин озоримиз -
Эй, дўстлар, дўст йўқдир
Оллоҳдин ўзга!

ОЙ ДАЛА

Тун бўйи ёмғирга қонди ой дала,
Кундузи офтобда ёнди ой дала.
Ой дала, ой дала, гўзал ой дала,
Эй, гўзал сирларга тўла бой дала!

Бир дилбар ўтдими ёнингдан ёлғиз,
Сочлари тунқора, юzlари қирмиз.
Ой дала, ой далам, гўзал ой дала,
Эй, гўзал сирларга тўла бой дала!

Ёнингга келурман ҳар кун, ҳар туни,
Кўрдингму ой дала, кўрдингми уни.,
Ой дала, ой дала, гўзал ой дала,
Эй, гўзал сирларга тўла бой дала!

Бир замон бағрингда висол қургандик,
Ёмғирлар остида йиғлаб тургандик...
Ой дала, ой дала гўзал ой дала,
Эй, гўзал сирларга тўла бой дала!

ХОФИЗ

Шерали ақага

Худо берган овоз худо берган соз,
Халқимнинг меҳрига сазовор ҳофиз.
Куйласа дилларни айлаб сарафroz –
Беюрак, сангдилни жазолар ҳофиз.

Кўнгли доим бахор сира қиши йўқ,
Сохта довруқларга унча ҳуши йўқ
Ҳасадгўйлар билан асло иши йўқ –
Кушиқ қанотида фазолар ҳофиз.

Беллашур хамиша моҳирлар билан,
Маслакдош Собиру, Зоҳирлар билан,
Рұхан сирлашади Бобирлар билан –
Юракни андуҳдан тозалар ҳофиз ..

Нағмада қумридан пеш бўлиб юрар,
Қўйнида куръони эш бўлиб юрар,
Шул сабаб ишлари беш бўлиб юрар -
Куйласа тарқалур низолар ҳофиз..

Шогирдлар илмига келтирадар имон,
Кулбасин ёритар офтоб – Шоҳжакон,
Юз йилда бир келар Шер каби инсон –
Кўксида кўп мунгли сазолар ҳофиз!.

1989 й.



АЁЛНИ АРДОҚЛА

*“Жаннат Оналарнинг оёғи остидаадир..,”
ҳадисдан*

Аёлни ардоқла, кўзларингта сурт,
Унинг ул покиза бармоқларини.
Аёлни ардоқла, кўз ёшдан арит —
Худо ёрлақаган яноқларини.

Аёлни ардоқла, кўнглига қара,
Аяма, ер юзин гавҳарларини.
Хофиздай танті бўл, холига баҳш эт —
Дунёнинг энг гўзал шаҳарларини.

Аёлни ардоқла, кўкларга кўтар,
Самонинг энг тоза кенгликларига.
Аёл иззатини қилмаса агар,
Ишонма ёлғончи тенгликларига.

Оналар пойига поёндоз айла,
Жаҳон салтанатин байроқларини.
Аёлни ардоқла, саждагоҳ деб бил,
Султонлар сифинган оёқларини.

Онам де, синглим де, ёрим де., ёлбор,
Эъзгу оятларни шивирлаб лабинг.
Шунда кўкрагингдан тарқалиб губор —
Мехру муҳаббатдан пок бўлар қалбинг.



АСРАНГ

Бу дунё аслида ёмғирли, қорли,
Гоҳида шод бўлсак, гоҳида зорли,
Ҳозирча отангиз, онангиз борми —
Отангизни асранг отаси борлар,
Онангизни асранг онаси борлар!

Шу ҳаёт ташвишин бирга тортамиз,
Бугун офтоб бўлсак эртан ботамиз,
Шундоқ ўтган асли, Одам отамиз —
Отангизни асранг отаси борлар,
Онангизни асранг онаси борлар!

Шулар бор дунёниг ямоғи бутун,
Шоҳнинг ҳам гадонинг тамоғи бутун,
Олис юлдузларниг саноғи бутун
Отангизни асранг отаси борлар,
Онангизни асранг онаси борлар!

Тўнлари гоҳ бутун, ямоқда бўлар,
Хаёли гоҳ пахта, чаноқда бўлар,
Гоҳо озодликда, қамоқда бўлар —
Отангизни асранг отаси борлар,
Онангизни асранг онаси борлар!

Онанг ҳаёт бўлса Онам деб юкин,
Отанг ҳаёт бўлса Отам деб юкин,
Ёринг ҳам аёлдир санам деб юкин —
Отангизни асранг отаси борлар,
Онангизни асранг онаси борлар!

Баҳор қабрларга чечаклар тақар,
Қайноқ кўз ёшларим ичимга оқар,
Офтоб ҳам мунғайиб етимдай боқар —
Отангизни асранг отаси борлар,
Онангизни асранг онаси борлар!

Ох, Онам келсаю, бошим силаса,
Ох, Отам келсаю, тилак тиласа,
Шарт юлиб берардим юрак сўраса -
Онангизни асранг онаси борлар,
Отангизни асранг отаси борлар!

1990 йил.

ВАТАН

Робиндранот Тагордан

Ёмғирли, қировли кунларда ҳам жим,
Ҳар жойда, ҳамиша сени ўйладим.
Мени чорлаб турди юксак қоялар,
Эсимни танибман сени куйладим.
Кутлуг шаҳарларинг, яйдоқ чўлларинг,
Куйлайман ям-яшил ўрмонларингни.
Шамоллар майлига ловуллатсин-у,
Ўчира олмасин гулханларингни.
Чақмоқлар қолдирган олов излардек,
Сўнмас ёлқин каби очилсин кўзлар.
Ҳаётнинг шами ҳам сўнгайдир бешон,
Гар, Ватан меҳрини туймаса сўзлар.
Сен менинг рўзгорим, энг тотли дамим.
Менинг тириклигим, эрким сен билан,
Сен менинг байрамим, сен менинг фамим.
Сен менинг борлигим, айни ўзимсан,
Орзуим шаъннингни гулга кўмолсам.
Жон нисор этсаму, сенга бир умр —
Қанийди, муносиб ўғлон бўлолсам.

1985 йил.

ПУЛИ ЙҮҚ ОДАМ ҲАҚИДА ҚҮШИК

Бунда ҳамма ненидир сотар.,
Пул билан ўлчанар ҳар дам, ҳар қадам,
Зору ҳайронлиқда кунларинг ўтар,
Ҳолинг не кечмоқда пули йўқ одам?

Ҳамма олсам дейди, дейди бермасам,
Сени тушунмайди мард ҳам номард ҳам.
Чайқовчига тегар қўлни сермасам —
Ҳолинг не кечмоқда пули йўқ одам?

Болалар пул дейди, пул дейди хотин,
Мулла ҳам пул дейди, пул дейди отин.
Пулдан яратганми бу инсон зотин —
Ҳолинг не кечмоқда пули йўқ одам?

Бошингда сочингдан танишларинг кўп,
Барининг қўлида ота мерос чўп.
Дунёнинг нелигин англадингми, хўп —
Ҳолинг не кечмоқда пули йўқ одам?

Одамлар бойлик деб юрт кезар сарсон,
Гоҳо, бир кечада бўлурлар яксон.
Сенда қаноат кўп, сенга кўп осон —
Ҳолинг не кечмоқда пули йўқ одам?

Ўзинг оч бўлсангда, элга нафинг кўп,
Бирордан қарзинг йўқ, катта гапинг кўп.
Ҳеч ёлғиз эмассан қара, сафинг кўп —
Ҳолинг не кечмоқда пули йўқ одам?

Сенсиз ўтмас сира тўй ҳам, мотам ҳам,
Асли, сендан чиқсан машхур Ҳотам ҳам.
Худди сендек эди шўрлик отам ҳам —
Ҳолинг не кечмоқда пули йўқ одам?

Хўжа Насридинда бойлик бўлганми?
Ё, Алдар тогамда ойлик бўлганми?
Машраб бобонг уйлик, жойлик бўлганми —
Холинг не кечмоқда пули йўқ одам?

Ёшлиқдан чапани, ёв урар эдинг,
Фил берсам тушликка қовуар эдинг.
Бой бўлсанг барибир совуар эдинг —
Холинг не кечмоқда пули йўқ одам?

Гапни опқочмадим оз-моз ўрадим,
Сендай қўли очиқ, сахий кўрмадим.
Яратгандан сенга соғлиқ сўрадим —
Бошинг тошдан бўлсин пули йўқ одам?

1994 й.

СЕНГА НЕ БЎЛДИ

Сенга нима бўлди, сенга не бўлди,
Менга нима бўлди менга не бўлди?!

Кўзимни очсан сен, кўзни юмсан сен,
Кўзингни очсанг мен, кўзни юмсанг мен!

Менга нима бўлди, сенга не бўлди,
Сенга нима бўлди, менга не бўлди?!



БУ ДУНЁ ЁЛГОН

Бу жақон тор әмас хүп кенг яралған,
Фалакдан покиза нурлар тараптап.
Йүллари гоҳи ўнг, гоҳ сүл буралған,
Эй, дүст, сен Ҳақ дегин, Ҳақ сары чоғлан -
Бу дунё ёлғондир, бу дунё ёлғон!

Жаннатдан келғандир мушк, анбар, райхон,
Шул обод заминни айладик пайхон,
Ернинг усти вайрон, ости ҳам вайрон,
Жимгина оҳ чекар тоғлар ҳам ҳайрон —
Бу дунё ёлғондир, бу дунё ёлғон!

Фисқу-фасод ичра улғайдик, ундиқ,
Ҳаёт шундай дедик тақдирга күндиқ.
Шу ёлғон дунёни ёлғонга күмдик,
Эй, күнглим, ўкинма, қад тикла, тоғлан —
Бу дунё ёлғондир, бу дунё ёлғон!

Минг жадди жадалдир, бир рўзи азал,
Муҳаббат мен билган энг қадим ғазал.
Қолган гаплар рўё, бир чалкаш масал -
Эй, кўнгил, бор бўлсанг соғайгин соғлан -
Бу дунё ёлғондир, бу дунё ёлғон!

Шундоқ деган Машраб, Навоий ҳазрат,
Боболар кўксига поёнсиз ҳасрат.
Исминг Ҳумоюн ё, Ҳамроқұл Раҳмат,
Эй, дүст!
Сен ҳақ дегин, Ҳақ ила боғлан -
Бу дунё ёлғондир, бу дунё ёлғон!

ТУННИ ҚАНДОҚ ЎТКАЗАМИЗ...

Тонг отишига озгина қолди,
Бу хабарни элга биз етказамиз.
Оғир ўй босади оқ саҳар олди –
Кунни қандай ўтказамиз?!

Кундуз тегирмони бизни ғажийди,
Шу аҳволда кўп иш битказамиз.
Бир Мажнун уфққа қараб йиғлайди –
Тунни қандоқ ўтказамиз?!

Тун бизни қучоқлаб хўрсинар хаста,
Асли, унда айб йўқ лек, қетказамиз.,
Офтоб нурларидан тутар гулдаста –
Кунни қандоқ ўтказамиз?!

Эй, Фарҳодини йўқотган Ширин,
Эй, Ҳусанидан айрилган Ҳасан,
Кўрдим нигоҳингда савол яширин –
Тунни қандоқ ўтказамиз,
Кунни қандоқ ўтказамиз?!

АРОСАТ

Бу ҳам замонанинг қаттол ўйнида,
Рўзгор ташвишлари аёл бўйнида.
Хотин юк кўтариб бозорда сарсон –
Эмизикли бола ота қўйнида...

СЕВДИМ ДЕГАН СҮЗ

Кунлар ўтар кунларни қувиб,
Йиллар ҳам ўтарлар шундай бешафқат.
Навқирон йилларда ўтган дамларга,
Хавасла боқмоқлик пайти ҳам келар.
Ва лекин, келмагай тилга ҳеч қачон,
Юракдан айтилган ўша илк қалом —
Илк бора айтилган севдим деган сүз!

Кулмагин, жонгинам ҳали ёшдириман,
Сенинг висолингга етмоқлик учун
Курашмоқ келади қўлдан ҳар қалай,
Карбало даштида билмам қай бир кун,
Кабир сахросидай қақрар лабларим.
Нажот чашмасини узатган дилбар,
Ошиқлик таъмасин бошлиса ногоҳ,
Оғзим қумга тўлар, аммо мангуга —
Чанқаган вужудда пинҳон қолғуси
Илк бора айтилган севдим деган сүз!

Биламан, севасан мендан бешбаттар,
Сенинг ҳам бор-йўғинг ёлғиз севгимиз,
Аммо, бу одамлар нелар демаслар?
Кулоқ сол, ёлғизим, қалбинг нима дер?!

Сен унинг амрини айлагин адо,
Агар, юрагингни эзса шубҳалар,
Сен менинг қошимга келгин, дилбарим.
Кўзимга бокқину ўқигин ундан,
Мұҳаббат китобин эъзгу сатрини,
Жаҳонда ошиққа муқаддас эрур —
Илк бора айтилган севдим деган сүз!

1980 йил.

ОМОНАТ

Умрнинг эгови афсус надомат.,
Ем берсанг депсиниб тишлар ёмон от.
Дунёнинг русми шул, келган кетгайдир,
Мезбон ҳам омонат, меҳмон омонат!

Йўлга чиқар бўлсанг йўлингни берсин,
Ҳам ўнгингни берсин, сўлингни берсин,
Ҳазрати Хизрга қўлингни берсин —
Карвон ҳам омонат, сорбон омонат!

Тоғлардан тарагай салқин шамоллар,
Ожиз вужудимиз руҳни қамаллар,
Бизни адаштирган сохта амаллар —
Рост ҳам омонатдир, ёлғон омонат!

Устозим тўғри сўз бир ростгўй эди,
Номардни учратсанг дарҳол сўй дерди,
Рост сўзи шўрликнинг бошини еди —
Қилич ҳам омонат, қалқон омонат!

Дунёда ҳикмат кўп ҳеч адо бўлмас,
Иймони покларнинг руҳлари ўлмас,
Яхшининг боғлари сарғаймас сўлмас —
Боғ ҳам омонатдир, боғбон омонат!

Юлдузлар бамисли тунги шамлардир,
Мазлумнинг кўзида қотган намлардир,
Дунёни қаритган эски ғамлардир —
Офтоб ҳам омонат, осмон омонат!

Мезбон ҳам омонат, меҳмон омонат,
Қилич ҳам омонат, қалқон омонат,
Карвон ҳам омонат, сорбон омонат —
Офтоб ҳам омонат, осмон омонат!

2000 йил.

ТУРКМАННИНГ

Султон оғага

Ой, юлдузлар ҳамсояси,
олтин күмли кенг саҳроси,
Офтоб деган меҳрибони
момоси бордир туркманнинг.

Сўзни шамширдай тиғлаган,
Ватаним деб йиғлаган,
Маҳтумқули деган булбул -
бобоси бордир туркманнинг

Тека, ёвмут, салыр, човдур,
олти беклар., битта бовур,
Туронзамин бағрида
садоси бордир туркманнинг.

Ўтди хонлар бир-бирин еб.,
бергин фақат олайин деб,
Олис тарих қатларинда
яроси бордир туркманнинг.

Ҳумо қуши қўнди бошга,
нур таратур кекса ёшга,
Кетмас давлат, кенг феъли
дунёси бордир туркманнинг.

Туркман элга худо берган,
қора, қизил тилло терган,
Зулматларни ёритгувчи
зиёси бордир туркманнинг

Дунё бўйлаб сочилгандир,
энди йўли очилгандир,
Дўсту-ёрлар даврасинда
сафоси бордир туркманнинг.

Кишанларин узди туркман,
қафасларни бузди туркман,
Туркманбоши ноласида
нидоси бордир туркманнинг.

Подшоси ҳам ғазал ўқир,
хур қизлари гилам тўқир,
Туркман қизин кўйлагинда
ибоси бордир туркманнинг.

25.08.2002 йил.

НИЛУФАР

Ногоҳ сени кўриб ўртанди жоним,
Исмингда гулларнинг атри бор нафис.
Лола яноғингда акс этар қоним,
Умримнинг чечаги кетмагин олис!
Фалакка термулиб илтижо қилай,
АЗИЗ бошинг узра порласин қуёш,
Ранжу маломатда соchlаринг силай,
Хоҳ ёндири, эркалан, бўлма бағритош!
Орзуманд шу юрак мафтунинг сенинг,
Нулуфар! Очилгин бофимда менинг...



ҮНТА УКАМ БОРУ., ЛЕКИН ЁЛФИЗМАН

Гоҳо, даштда қолган эгасиз уйдек,
Гүё, қум ковлаган шўрлик қўнғизман.,
Фарёдим кимгадир ёқимили куйдек –
Үнта укам бору., лекин ёлғизман!

Менинг чўлда унган чечагим анғиз,
Тушларимга кирар қўшним қари қиз,
Ёлғизман, ортимда яна бир ёлғиз –
Үнта укам бору., лекин ёлғизман!

Қўксин захга берган мисли Алпомиш,
Йиғласам., йиғладим чиқармай товуш,
Софинчнинг боласи дийдор эрка қуш –
Үнта укам бору., лекин ёлғизман!

Етимда она йўқ, отаси ўлган,
Йўқ чинор эмасман, майсаман сўлган,
Юрак бир совуқ меҳр, соғинчга тўлган –
Үнта укам бору, лекин ёлғизман!

Бу дунё куйдирги., кўп қилди ҳалак,
Ер ҳам майдалашибди, торайди фалак,
Ҳар тун алла айтар Онам ой малак –
Үнта укам бору., лекин ёлғизман!

Бир тоғ ингранади илдизи қақшаб,
Тўлқин қайтишини кутар қирғоқ-лаб,
Бутун ҳалқ турибди мендан ўпкалаб –
Үнта укам бору., лекин ёлғизман!

Ёлғизман., ортимда яна бир ёлғиз...

ХАЁТ БИР ИЛМДИР БОШИ ЙҮҚ, ОХИРИ ЙҮҚ

Абдурахим эшон Аминжон ўғлига

Оллоҳ зикридадир ҳар лаҳза дилим,
Шул боис кўрқитмас мени ҳеч ўлим.

Бизга тан маҳрамдай шукр каломи,
Сабру қаноатга фарзанддир элим.

Қон ила жонларга сингигани шул,
Таъзимга талашар ҳар икки қўлим.

Тангри назар солса вайронга обод,
Энг ғариб боғлар ҳам кўрингай сўлим.

Денгизим томирин қирқма эй, ғаддор,
Жой-жойида турсин сахройу - чўлим.

Чўлтоқ сафсатангни бас қил эй, воиз,
Ўзимга аёндир, ўзимнинг феълим.

Дунё бозоридан қайтмоқдадирмиз,
Юкларнинг зўридан қайишган белим.

Ҳаёт бир илмдир боши йўқ, охири йўқ,
Бизлар шул китобдан кичик бир бўлим.

Болишим остида Машраб девони,
Яссавий бобомдан олганман таълим.

Йўлдамиз кимларга йўлдош бўлмадик,
Охири қошингга қайтдим-ку гулим!

ХАҚИҚАТ

О, ҳақиқат! Сени деб кўп ёндику юрагим,
Ҳатто, яқин дўстларга бўлмай қолди керагим.

Офтобга яқин юрса куяр қушнинг қаноти,
Гоҳо, бир ширин сўзга боғлиқ инсон ҳаёти.

Ҳақ дея, ҳақиқат деб йиғлаб ўтди Хайём ҳам,
Келмадику, охир ул кун Хайём кутган айём ҳам!

Фарзанд қандоқ юпатсин йиғлаган отасини,
Оқил ўғлон унуғмас аждодлар хатосини.

Кеча номи қоралар, бул кун оқдан оқроқдир,
Оқга ҳам қизилга ҳам макон ушбу тупроқдир.

Тожу-тахт деб бир-бирин қирган бола-оталар,
Энг ҳаққоний тарихга ҳам ёзилмас кўп хатолар.

Гоҳо, кун ботмай туриб чодра илар зулумот,
Гоҳо, буюк донишманд ёш гўдақдан олур мот.

Эрксиз қулнинг мусиқадан юраклари қақшайди,
Озод бўлсанг қора тун нақ қўшиққа ўхшайди.

Зоти паст мунофиқлар элга сира бош бўлмас,
Шундай сирлар бор улар минг йилда ҳам фош бўлмас.

Ҳаром билан гоҳида ҳалол кетар қоришиб,
Гоҳо, кичик тирқишидан зиндан кетар ёришиб.

Дард дориса оғриқдан ололмайсан белингни,
Ёлғон босса қандайин қутқарасан элингни?

Ёлғонлардан дод дея., қабрларда оҳ тинмас,
Шоҳу гадо безовта, кўзларга уйқу инмас.

Олсаю, бермаса ҳеч одамзотнинг феъли шул,
Шоирлар гултож деган ер юзининг эли шул.

Биз эшитган ёлғондан ернинг ўқи буқчайган,
Ишсиз қолиб шайтон ҳам қоматлари чукчайган...

О, Ҳақиқатат! Сени деб адо бўлди юрагим,
Илдиз бўлсанг агар, сен шудгор бўлсин кўкрагим.

Аслида, сен мукаррам Яратганинг сўзисан,
Сўзисанми демакки, бамисоли ўзисан!

Сочилгансан ҳар тараф, томирдаги қонимга,
Сенга малол етганда тифлар ботар жонимга.

Ҳақ дея, ҳақиқат деб йиглаб ўтди Хайём ҳам,
Келмадику, охир бул кун Хайём кутган айём ҳам!

Золимларнинг наздида ёмон бўлгин ҳақиқат,
Қайда бўлсанг майлига омон бўлгин Ҳақиқат!

2000 й.

* * *

Сенинг кўзларингни жуда соғиндим,
Сочларинг бўйини қўмсаб юрибман.
Бир толим сочингдан олиб қолгандим,
Сени эслаганда ҳидлаб юрибман.

Юрак хаёлингла олгайдир озиқ,
Шу толим сочингнинг овворасиман.
Кўнглим шоҳлар кўнглидан нозик -
Мұҳаббат мулкининг фуқоросиман.

1985 йил

ЮРАГИМГА

О, инсон юраги, муқаддас макон,
Ажойиб диёрсан бизнинг қалбимиз.
Ёнмасмиз, ёнмасмиз бизлар ҳеч қаочон,
Сендей бўлолмасмиз, сенинг каби биз...
Асрий азобларда ёндинг, юрагим,
Мұҳаббат дардига қул бўп яшадим.
Одамлар бир умр ичган шаробни,
Мен бир лаҳзада ичиб ташладим.
О, мағрур юрагим, сени йифлатиб,
Мұҳаббат қошида тиз чўқдим, эй воҳ,
Суокли ёр қўлида сени тифлатиб,
Сўнгра даргоҳингдан изладим паноҳ.
Сени кўп қийнадим, энди эркин бўл,
Бахтингни излагил нурдан зиёдан.
Бир сирдош изладик аммо, минг афсус,
Уни тополмадик ушбу дунёдан.
Сенга бағишиладим, ҳам сендан олдим,
Нур мисоли ортга қайтмас дамларим.
Энди сеникидир, сен билан қолдим,
Менинг шодликларим, менинг фамларим
Лоқайд кечмоқдадир энди бу умрим,
Ҳол-аҳвол сўрайди ҳар дўсту ёрон,
Кунба-кун кўпаяр маъюс дамларим.
Одамлар юзимга боқишар ҳайрон.
Ҳаммасига дош беринг, бағрим,
Яшиурсан камим, кўстларим.
Фамгин кулиб дейман уларга —
Мен бахтиман, келинг дўстларим...

1982 йил.

ТАШАККУР

*Тошкент шаҳар I-килиник касалхонаси
кардиология бўлими ҳамшираларига*

Сиз оппоқ либосда фаришталардек,
Сиз нажот элининг фаришталари.
Туну-кун тепамда турдингиз бедор,
Чекинди юракнинг таҳликалари.

Ярадор оҳудек келдик мунғайиб,
Сиз асли Ҳидоят нажот қалъамсиз.
Жонбахш доруларни нўш этиб дейман —
Сиздадир Хосият тирик малҳамсиз.

Бирингиз Дилфузা, бирингиз Лобар,
Бирингиз қўл етмас гўзал Зухросиз!
Маҳбуба назмимда олам Диlobар,
Сайёра, Вазира ҳур каби поксиз.

Дору келтиради наҳор Эльвира,
Хонам ёришади киргандек қуёш!
Кўксимдан оғриқлар чекинар шул зум,
Танимга қайтади файрату бардош.

Бу ерга келтирди бизни хасталик,
Шафқатсиз ҳаётнинг талофатлари.
Сиз боис кўксимни кўтардим бул кун,
Битди юрагимнинг жароҳатлари.

Дилимда шукурона, тилимда раҳмат,
Энг буюк ҳикматни айтиб бердингиз.
Кимлардир қалбимга оғриқ солганди —
Сиз уни даволаб қайтиб бердингиз.

17.09.95.

ПИЁДАДАН ЧИҚҚАН ФАРЗИН ҲАҚИДА ҚҰШИҚ

*Шеър ва шахмат шайдоси,
дүстпарвар инсон
Амрулло Санакуловга*

Шахматда баъзида битта пиёда
Подшонинг ҳолини тамом танг этар.
Гарчанд, имконлари мингдан зиёда,
Фарзин сололмайди бунчалик хатар.

Пиёда ташлайди шошилмай одим,
Фарзин югуради жанг майдонида.
Бераркан ёвларнинг омонсиз додин,
Фарзин ҳалок бўлди ёв кўргонида.

Пиёда шошилмай ташлайди одим,
Ўзгартмас, қадамин мана шу тарзин.
Маррага етди у кўринг муродин,
Энди пиёдамас ҳақийқий фарзин!

Маррага етдию, боқди бир нафас,
Ёзди дилидаги ҳазинлигини.
Албатта енгар у, унутмаса бас —
Пиёдадан чиққан фарзинлигини.

1980 йил. Шоҳ Усмон.

ТУШ

У қызлар ичида ажралиб турар,
Күзлари қошида күёш мисли шам.
Кутлуг сиймосидан иффат ёғилар,
Сүзлари рұхимни этарди равшан.

Энг бебаҳо ҳусни билан ҳаммани
Илоҳий лутфига айлаган иқрор.
Күрмаган ҳеч кимса бундай санамни,
Ёлғиз хаёлотда яшаган рухсор.

У билан бир лаңза бўлдим ҳамсуҳбат,
Тенгсиз чиройига боқдим интизор.
Ҳурлар борлигига ишондим, фақат —
Кўз очиб уйғондим, дунё бўлди тор.

Энг дилбар каломлар битдим ўшал дам,
О, гўзал рухсорин бир кўрсам майли.
Мен ҳамон ёзаман, ёзганларим ҳам —
Ўша туш боиси, ўша туфайли..

1980 йил.



ДАРЁ

*Туркийзабон халқларнинг улкан адаби,
устоз Одил Ёқубовга*

Ёнимизда оқар дарё, сира унга етолмаймиз,
Агар, унга етолмасак олисларга етолмаймиз.

У Туркистон тогларидан Шош томонга оқиб келди,
Йўл йўлакай майсаларни суви билан боқиб келди.

Гоҳо, жўшиб чиқиб кетди баланд-баланд қирларга ҳам,
Ҳамдам бўлди оғир дамлар Аму билан Сирларга ҳам.

Ҳеч эринмай сийлагай ул сарғайгану сўлғанларни,
Сийлаверар, ҳатто унга сал пал тўсиқ бўлғанларни.

Бу баҳрдан баҳра олди қорақалпоқ овуллари,
Оққушларга тўлиб кетди олтин қумли соҳиллари.

Баҳра олди ундан тошлар., думли, думсиз балиқлар,
Баҳра олди уламолар, дехқон, чўпон чўлиқлар.

Уммонларга талпинди у ҳеч бўлмайин хаёлларни,
Гоҳо, йиглаб ўчириди у ёнаётган аёлларни...

Гоҳо, эса шерик бўлди паҳтакорнинг ёшларига,
Ғазаб билан човут солди Кремльнинг тошларига.

Офтоб билан баб-баравар нур сочади кундузлари,
Тунлар унда товланади Улугбекнинг юлдузлари.

Хурматини бажо айлар кўхна туркий минорлар,
Ҳасад ила термулади мева бермас чинорлар.

У жимгина оқаверди тинмай сира оққан сари,
Кучларига куч қўшилиб осмонларга боққан сари.

Бул кун ундан ичмоқ бўлиб кимлар келмас олислардан,
Таъриф сўранг фарантлардан, африқолик холислардин.

Юрагида яшар мудом бир муҳташам диёнат,
Парво қилмас шогирдлари қилса ҳамки хиёнат.

Ўзимиз ҳам бу дарёни кўп лойлатиб кечганмиз,
Лекин, унинг фарёдини на англаған, ечганмиз.

Бахтимизга шу дарё бор, тургай бизни тозалаб,
Баъзан ундан сув ичмоққа тополмаймиз тоза лаб.

Шу кунлари тиниқ тортиб, дурга тўлган бағирлари,
Сиз ҳам ундан баҳра олинг илми адаб олғирлари.

Совуқ келса у ҳам музлаб яхлагайдир эл қатори,
Шу туриши рамзи ибрат, шогидларга бел қатори.

Гоҳо, бирдан сал кўпирап асаблари таранглашиб,
Тўртта ирмоқ ажраб чиқди кўринг ана тайранглашиб...

Энди йўлда тўсиқларни қийналмасдан енгиб борар,
Оқаверар оққан сари Она ерга сингиб борар.

Макони шул Ўзбекистон, икки дарё оралиғдир,
Оқмай яна нима қилсин, касби унинг дарёлиғдир...

*PS: Ушбу шеър Одил Ёқубовнинг 70 йиллик юбилейи
муносабати билан 1998 йилда ёзилган. 2003 йилда
“Самарқанд” газетасининг 11 октябр сонида босилган.*

СЕРГЕЙ ЕСЕНИН

Шоҳона уй керакмас асло,
Бўлса эди, кичик бир кулбам.
Бир бурда нон, бир пиёла сув
Менинг учун лаззатли таом.

Чор атрофи бийдайин дала,
Майли, ярми ёнтоқзор бўлсин.
Гар, истаса ғариб кўнглимга
Бирор жанон султонлик қилсин.

Керак эмас биллур қандиллар,
Тутаб турсин миттигина шам.
Йироқ бўлай фийбат даврадан,
Ҳам бахтиёр, ёлғиз-у, беғам.

Ўтирмасман қофоз қоралаб,
Не қайғудир келмаса илҳом.
Қофиялар ташвиши йўқдир,
Мен Пегасга эмасман ғулом.

Шеър ёзаман тупроқ кўчага,
Танқидчимдир ул дайди шамол.
Ёқса ўқи, мазза қил жўра,
Ёқтирасанг тўзғит bemalol.

Бир қирchanfi бияни топиб,
Тулпорим деб олга қистарман.
Неки жиддий бўлса дунёда,
Қаҳ-қаҳ отиб кулмоқ истарман.

Харсангошга ёнбошлаб олиб
Кучукларга сафсата сўқсам.
Тўгри ишлар не бўлди охир-
Хато қилиб қўйишдан кўрқсам.

Дардлашурман Тошбақа билан,
Лаб босганча Ёнтоқ гулига.
Иссиқ кунга муштум дўлайтиб,
Сўнг қайтаман келган йўлимга...

1984 йил.

ОНА ДЕГАНДИМ

Насибали амма ёди

Онамиз ўрнида она эдингиз,
Болангиз қатори болам дердингиз.
Ичингизда эди барча дардингиз —
Аммажон, мен Сизни она дегандим!

Елкамизда мерос рўзгор хуржуни,
Пойингизга сочсак юлдуз буржини,
Ўтай олмас эдик фарзанд бурчини —
Аммажон, мен Сизни она дегандим!

Дунёга маъсулдай бедор эдингиз,
Биз бемор бўлганда бемор эдингиз,
Ёруғ кун кўрмасдан ўтиб кетдингиз —
Аммажон, мен Сизни она дегандим!

Юракда кўп эди аччиқ нолангиз,
Киприкда қалқирди доим жолангиз,
Қуш каби мунфайиб қолди болангиз —
Аммажон, мен Сизни она дегандим!



МУБОРАК

Шоҳидага

Эй, руҳимнинг ҳамшираси,
Гўзал волидаси полопонимнинг.
Эй, кўнглимнинг фариштаси,
Эй, Момо Ҳавоси хонадонимнинг —
Яхши кунлар муборак!

Бу кунларни Тангрим Сизга берипти,
Ортимиздан қолар изга берипти,
Сизга бериптими., бизга берипти!

Сиздан келса меҳру вафолар яхши,
Сиздан бўлса ҳар не жафолар яхши.
Сиз ичган булоқлар, сафолар яхши!

Аслингиз покиза, наслингиз тоза,
Ҳар лаҳза, ҳар нафас, фаслингиз тоза —
Гўзал руҳсорингиз васлингиз тоза!

Бизнинг исм бул кун Сизнинг исмдир,
Сизнинг жисм бул кун, бизнинг жисмдир,
Бу гўзал ёғдулар Сиздан тилсимдир!

Эй! Боғларни найсонлаганим,
Доим кечикканим, пайсаллаганим,
Менинг тортичоғим, тайсаллаганим —
Яхши кунлар муборак!

Эй, салга кўнгли нурланиб, салга кўзи намланган,
Бу дунёда не сир бор бари Сизда жамланган
Эй! Кўкни ерга қаратганим,
Қулса нурлар тараттаним,
Узи суюб яраттаним —
Яхши кунлар муборак!

8.03.99.

ҚАЙЛАРДА ЭДИНГ

Кун ботганда қайларда эдинг,
Ой ботганда қайларда эдинг?

Қайда эдинг ёққанда ёмғир,
Сени ўйлаб ёнганда бағир?

Қайда эдинг ғамгин дамларим,
Синдириганда мени ғамларим?

Бедор чоғим қайларда эдинг,
Бемор чоғим қайларда эдинг?

Кун ботганда қайларда эдинг,
Ой ботганда қайларда эдинг?!

ҚУШ, ОВЧИ ВА ИТ ҲАҚИДА БАЛЛАДА

Учаётган қушни сотди
осмонга қараб ҳураётган ит.
Учаётган қушни отурлар...
...Томогига сүяк тиқилиб ўлди
овчининг вафодор,
сотқын кучуги.

ШОИРЛАРНИНГ
МАЬШУҚАЛАРИГА

Йигит интиқ ташлади назар,
Қиз хўрсиниб кўйди оҳиста.
Болта эди йигитнинг исми,
Қизнинг исми эса Шоҳиста...

Болта шоир шеърлар ўқийди,
Ҳеч кимсага боқмасдан қиё.
Титраб тинглар соҳибжамол қиз,
Буткул бўлиб унга маҳлиё...

Шоир эса оҳ чекар тинмай
Бор йўғидан мангут жудодай.
Талпинади шоирга сулув,
Сифинади худди худодай.

Фазалми ё, шеърлар ўқиди,
Илғайолмай қолдимда ўзим.
Шўрлик қизча хаста инграпиб,
Тиз чўқдиию, айлади таъзим...

Шоир гўё., тик мағрур қоя,
Шивирлайди зўр хаёл билан,
Сирлашади қиз четда қолиб,
Хаёлида бир аёл билан...

Савол бердим чидолмай сира,
Кўзлари тун, қора сочликка:
— Хотин бўлсанг шоирга синглим,
Чидайсанми гўзал, очликка?

Шоирларнинг хотинлариридир,
Дунёдаги энг шўрлик аёл!
Сен додингни кимга айтасан,
Ҳеч ким сендан сўрамас аҳвол.

Ишлолмайди бирон бир жойда,
Тупурганман дейди бойликка.
Чидолмайсан эй, соҳибжамол,
Яшаб бўлмас ахир ойликка?

Ойлиги ҳам асли омонат,
Сенга етмай бўлгайдир тамом.
Мухлислари эса тумонат,
Шоир бой деб ўйлади авом.

Битта узук олиб беролмас,
Йиллаб ёзган достонларига.
Қовоғингни сал уяр бўлсанг
Кетиб қолар осмонларига...

Бу қавмнинг одати ғалат,
Йўқчиликни бойлик деб билар.
Ўз фарзанди йиғлаб турганда,
Бегонанинг бошини силар.

Чор атрофи тўла душмандир,
Шароб ичар гадойлар билан.
Дон Ки Хотдай олишар тинмай,
Саройдаги худойлар билан.

Унга тегсанг ажрашинг тайин,
Худо берган гўзал қўркингдан.
Озодликни куйлади лекин,
Жудо қиласи сени эркингдан...

Билганимча айладим баён,
Энди мендан сўрама савол.
Дунёдаги энг бахтли жанон -
Шоир қалбин англаған аёл!

Болта эди шоирнинг исми,
Қизнинг исми эса Шоҳиста...

ҮГИТ

Хумоюнга

Юрагингга қулоқ сол,
кўп сирларни англайсан,
Тириклар ўз йўлига
марҳумларни тинглайсан.

Бу тинч оқар дарёларнинг
тўфонлари ичинда,
Ушбу сокин коинотнинг
бўронлари ичинда.

Ерда ётган харсангтош
кўп сирлардан огоҳдир,
Бу минг йиллик чинорлар
кўп жангларга гувоҳдир.

Сен наинки душманлар,
дўйстлардан ҳам олис юр,
Еру- осмон орасинда
хаслардан ҳам холис юр.

Худди мендай сен ҳам эртан,
болам дейсан болангни,
Оғир дамлар ёлғиз ўғлинг
англамайди нолангни.

Гиналарга тобим йўқдир,
гоҳ кўнглимни бўйлайман,
Мен ҳам сендеқ жоним ачиб
жон синглимни ўйлайман.

Душманлар бор ҳеч эринмай
ортингдан жим, пойлаб юрар,
Тинчлик бермас ҳасад ўти,
кеча-кундуз, ойлаб юрар.

Гоҳо, осмон човут солиб,
олиб қолар қаҳрига,
Ушбу тупроқ бизга Она
чорлаб турар бағрига.

Бу оламдан кетмоқ фарздири
бу ишнинг йўқ кандаси,
Кўкка учгай ул жон қуши
ерда қолгай жандаси.

Бу дунёдан ҳар бир банда
ўзи кетар ўзи билан,
Сўнг борлиқни жим кузатар
боласининг кўзи билан.

Бу омонат ташвишлар ҳеч
бошгинангни эгмасин,
Омон бўлсанг бўлди менга,
майли, фойданг тегмасин.

Ҳаёт йўли кўп оғирдир
суринмасанг бўлгани,
Фойдаси йўқ кўп ишларга
уринмасанг бўлгани.

Бу дунёда муруват кўп
барчасини бураб юрма,
Худо берар нарсаларни
бандасидан сўраб юрма.

ПОЛВОН

Дўстим Шерали Бўроновга

Бу дунёда Ватанлар кўп,
Мен шу юртга тикканман жоним.
Менинг учун ардоқли жуда,
Ўз элимдан чиққан полвоним.

Йигитмисан йигит, дўстмисан дўст,
Давраларнинг гули, жонида!
Рустам достон, Паҳлавон Маҳмуд –
Тантилиги оқар қонида.

Мард ҳақида ёзай мардона,
Мақтovларга сира ҳуши йўқ.
Душманлари фийбат қилса ҳам,
Парво қилмас асло иши йўқ.

Курашларда, беллашиб ўтди,
Умрининг кўп довонларини.
Болам дейди шогирдларини,
Улуғлайди юрт полвонларини.

Полвонларни кўп кўрган дунё,
Ҳавас билан боқиб сафрига.
Полвоним деб ардоқлар ҳатто,
Юрт отаси босиб бағрига.

Бошимизга қировлар қўнди,
Қирқдан ошиб қайрилганимизда.
Ёнимизда хассакаш бўлди –
Яқинлардан айрилганимизда...

Таърифласам жўшиб даъфатан,
Шеърга сифмас, сифмас достонга.
Мардлар билан ўқтамдир Ватан -
Шерлар керак Узбекистонга!

ЗИКР

Хуш сифатлар Оллоҳники,
Хуш суратлар Оллоҳники,
Хуш сийратлар Оллоҳники —
Оллоҳ, Оллоҳ ё, Оллоҳ,
Қодир Оллоҳ ё, Оллоҳ!

Ризқу-рўзлар, Оллоҳники,
Қошу кўзлар, Оллоҳники,
Қутлуғ сўзлар Оллоҳники —
Оллоҳ, Оллоҳ ё, Оллоҳ,
Қодир Оллоҳ ё, Оллоҳ!

Замину, Ер Оллоҳники,
Ҳам олу-бер Оллоҳники,
Оллоҳим дер Оллоҳники —
Оллоҳ, Оллоҳ ё Оллоҳ,
Қодир Оллоҳ ё Оллоҳ!

Оллоҳники,, фазолар,
Гоҳо, бериб жазолар,
Мукофотлар қазолар —
Биру-борим, қодир Оллоҳ,
Оллоҳ, Оллоҳ ё Оллоҳ,
Қодир Оллоҳ ё Оллоҳ!



УМР

Исмат ақага

Умр ўтиб бораркан
ёш бўлиб қари бўлиб,
Ёшлик ҳам қолиб кетди,
бир гўзал пари бўлиб.

Тундай қора соchlарга
қировлар қўнмоқда-ку,
Замон отлиғ дурадгор,
ҳассамиз йўнмоқда-ку.

Ортингда қолган тоғлар,
сир бўлиб кўрингайдир,
Олдингдан чиққан кесак -
қир бўлиб кўрингайдир.

Гоҳида зор бўлгаймиз
бирон жони ачирга,
Гоҳо, жуда ўхшаймиз,
юқ ортилган хачирга.

Гоҳо, буткул азобдай
туюлгайдир умримиз,
Найзасин санчиб қолар -
уйда юрган қумримиз.

Орол тўлиб кетарди
бизлар тўккан ёшлардан,
Елкамизда соғ жой йўқ -
дўйстлар отган тошлардан...

Умр ўтиб бораркан
ёш бўлиб қари бўлиб,
Ёшлик ҳам қолиб кетди,
бир гўзал пари бўлиб.

СИЗ ЎШАСИЗМИ

Эй, ёр Сизга ошиқ бўлган биз,
Бошга дурра ўрамайсизми?
Отабекни суйган Кумушдек -
Сиз ўша., деб сўрамайсизми?

Мен биламан юрагим сезар,
Ҳайратимга ҳайрат қўшасиз.
Қалбни фақат айрилиқ эзар,
Мен биламан Сиз ҳам ўшасиз!

Сиз ўшасиз тунлари ойдай,
Ёнингизга имлаб чорлаган.
Сиз ўшасиз қошлари ёйдай,
Кундузлари кундай порлаган.

Қўлингиздан тутганим йўқ,
Зайнабларни кутганим йўқ,
Мен биламан Сиз ҳам ўшасиз -
Сизни сира унутганим йўқ.

Ҳайратимга ҳайрат қўшасиз,
Файратимга файрат қўшасиз,
Бир кун мени ўлдириб кўйиб -
Йиглаб дейсиз : - Сиз ҳам ўшасиз...

Дардларимга дард қўшасизми,
Мен йигласам Сиз жўшасизми,
Отабекни йиглатиб кетган -
Кумушгинам Сиз ўшасизми?

* * *

Икки чашми эгиз офтоб,
икки зилол чашмадур,
Кўзим они ҳар кун кўрар,
яна ҳар кун ташнадур.

Бу дунёда зулм йўқдир,
уни ўйлаб топдик бизлар,
Юз йиллик юз кўрмаслар
охири ярашгайдур.

Қирқ йиллар лаҳза каби
бидирмай ўтиб кетди,
Замона сочни оқдаб,
ҳассамиз тарашлайдур.

Ичимга тушган сувлар лов
этиб ёнмоқдадир,
Бу ўйиннинг оти надир,
ё, олов карашмадур.

Яноғин ювар ёмғур,
ел сочин силаб мастон,
Биз каби фақирларга,
осмон ҳам қарашмайдур.

Мен каби марду майдон
содиқ дўст топаолмас лек,
Кет., деди ер депсиниб,
шул иши ярашмайдур.

1994 йил

ФАЗОЛАРДАН

Үзни сал-пал четга олгин
 хар хил ғийбат, низолардан,
Кулоқ солсанг хабар бордир
 фазолардан, фазолардан.

Бул ҳайтнинг ҳикмати шул,
 қабоҳатлар қолмас беиз,
Ёвуздар ҳеч қутулолмас
 жазолардан, жазолардан.

Бу дўппайган қабрларда
 чириб ётар не, не мардлар,
Ибрат олғил, ҳайиқма ҳеч
 қазолардан, қазолардан.

Йироқ юргил, олис кетгин,
 дунё йигар ғофил, кўрлар,
Чорласа ҳам ҳушёр бўлгил,
 казолардан, казолардан.

Йўлларингда учраб турад
 шайтон аҳлин мажлислари,
Йироқ юргил бул фирмага
 аъзолардан, аъзолардан.

Бир кун келиб бошинг эгма,
 бул сўзларим эрмас бежиз,
Кулоқ солсанг сир англайсан
 сазолардан, сазолардан.

1994 йил.

АЙЛАНГАЙДУР

Ёғаётган шул ёмғирлар қорларга айлангайдир,
Аёз урган майсалар хорларга айлангайдур.

Ҳол-жонига қўймаслар муножотни бахшилар,
Ҳилвираган пайчалар торларга айлангайдур.

Мазлумларнинг боғига кўз олайтар мунофиқ,
Пайхон бўлган номуслар орларга айлангайдур.

Арслоннинг ўлигини топаолмас фўр сайёд,
Бургутчалар улғайиб сорларга айлангайдур.

Бошин сила эй, дўст бул ҳорғин гўдакларнинг,
Эрта улар улғайиб норларга айлангайдур.

Деворларнинг ортидан мўралар бўз йигитлар,
Навниҳол қаламқошлар ёрларга айлангайдур.

Оталар боши эгик, Оналар кўнгли нотинч,
Ичда бўғриққан додлар зорларга айлангайдур.

Мева бермас чинорлар офтобдан тўсар бизни,
Шул озғин, мўрт кўчатлар дорларга айлангайдур!

Келар бир кун ҳур замон, ёришгай нурдан жаҳон,
Йўқларни янчиб борлар., борларга айлангайдир...

1990 йил.



БАҲС АЙЛАМАНГ МАЖНУН БИЛАН

Баҳс айламанг Мажнун билан ул Лайлиниң зормандаси,
Ҳақ йўлинда жон берар ҳақ деган ҳар бандаси.

Келса гар, ғам лашкари дод дегай девлар ҳатто,
Ҳар не бўлса чидар фақат Тангрининг зўр бандаси.

Қалби сўқир, аҳли шаҳват лоф урар эрди ишқдан,
Топаолмай ёр изларин чиқдику шармандаси.

Бул сохта ҳожиларга қўл бериб бўлма осий,
Ташна қалбда берсин садо пир Румий чирмандаси.

Ишим йўқ саройларда, юз бурдим дунёсидан,
Эгнимда шоҳ Машрабнинг кўхна шол жандаси.

Бахт қуши бошинг сийлаб, порласа кулбангда моҳ,
Майдала майни эй, дўст бўлмасин ҳеч кандаси.

Марҳамат этса дилдор, тизгинни бўшат дарҳол,
Шошилмай гулни сугор эй, кўнгил арзандаси.

Май узатса гулюз, чанқаган дилни тузат Ҳамроз,
Беҳиштга йўллар тирик раъногулининг хандаси.

1990 йил



ХАБАР БОРДИР

Эй, дил, агар қулоқ солсанг,
самолардан хабар бордир,
Боқийлик ҳам ўткинчидир,
фанолардан хабар бордир.

Не буюклар ўтиб кетди,
Хақ йўлинда чекиб заҳмат.,
Фурқат чеккан азобларда
Синолардан хабар бордир.

Агар, ўғлон мунофиқидир,
қон йигласа волидаси,
Билиб, билмай қилган гуноҳ,
зинолардан хабар бордир.

Нелар дейди соқов тоғлар,
нелар дейди сой шовуллаб,
Юлдузларга қулоқ солсанг,
имолардан хабар бордир.

Заҳмат ила Расул ўлмас,
ул Оллоҳнинг эҳсонидур.
Жоҳилларга ҳамд айтсанг,
санолардан хабар бордир.

Дов дарахтлар оят айтар
қабрларнинг теппасинда,
Эй, дил, агар қулоқ солсанг
хабарларда хабар бордир...

14.08.04.

ФАРГОНАНИ

Булбул гулга термулиб эслади мен ҳайронани,
Кўксимни ёр эй, жарроҳ, кўурсан вайронани.

Фазалнинг бели синди, қофия бўлди барбод,
Чарчатиб қўйдик дилдор ишқ деган афсонани.

Ҳофизим отди торин, додлади шўрлик машшоқ,
Шоирим ғамга толди, тополмай фасонани.

Ошиқлар бўлди ҳайрон, диллари бўлиб вайрон,
Кўрдилар мени мажнун, сен каби мастанани.

Ноинсоф эркан дўстлар бул кўхна тақдир азал,
Умр ўтди ахтариб ёр чиққан остоинани...

Бул вужуд дош беролмас юракнинг исёнига —
Топурман бир кун сени ахтариб Фарғонани.

2001 йил

РАУФ ПАРФИ ЎЗТУРК

Рауф Парфи кетди унинг ортида,
Қолди бизга сермева боғлар.
Рауф Парфи кетди унинг ортидан,
Бошин эгиб йиглади тоғлар.

Рауф Парфи кетди унинг ортида,
Қолди бизга бир гўзал достон.
Рауф Парфи кетди унинг ортидан —
Йиглаб қолди она Туркистон.

* * *

Едингдаму, сангдиллар қонимга қонган кеча,
Юлдузлар хира тортиб ўзидан тонган кеча.

Барча шод хуррам ўлиб, навбахор айёмида,
Ўз ёғимга қоврилиб, бир ўзим ёнган кеча.

Бехабарсен, аиш этиб, ағёру хунхор билан,
Кўз ёшим халқоб бўлиб, кипригим тўнган кеча.

Бахт жамолин бир кўрсатиб, хўп мурувват айлади,
Маҳрига бир умрлик ғамларим унган кеча.

Май каби ол қонимни шайтонлар шароб айлаб,
Фаришталар иблиснинг кифтига қўнган кеча.

Кулбам ичра зикр этиб маст - аласт дажжолалар,
Дўстларим чертишидан дарвозам тинган кеча.

Бахтиқаролар тангриси бул оғоч таним бутаб,
Қоматимдин дастига ҳассасин йўнган кеча.

Сен дегайсан охири кел, кўзларингда жолалар,
Ҳамроқулнинг хокидин лолалар унган кеча.

1980 йил. Шоҳ Усмон.



* * *

Бу дунё сенга кенг, менга жуда тор.,
Нечун сендан қўрқайин, қўрқадиганим бор!

Оҳ чекар чирик арқон, ғижирлайди кўҳна дор,
Кўзларим ёмғур ёғар, соchlаримга қўнди қор.

Гар, кулбаси Маккада., муслим ўлмас мунофиқ,
Донишманд санар ўзни ҳаддини билмайди мор.

Бу маддоҳ аҳлинда иймон йўқ, ёзурман дейди Куръон,
Кўп ёруғдир бу зулматлар, чароғон эрмас ул фор.

Аҳли одам тупроқдадур қисмати осмонда ҳал,
Бамисли бир балиқдурсен, сувда юрган сувга зор.

Дарёни излаб эрдик дуч келдик кўлмакларга,
Сайрамай кўйди күшим дўст деди душманни ёр.

Ҳеч кими йўқлар эмасмиз, бош урап жойлар бордир,
Ўзига айт, Ўзидан сўр, бўлма энди хорларга хор.

1990 йил.



* * *

Кел, дедим қон йигладим,
арзима етмас дилдор,
Онгладим бедор ҳолин,
англағай танҳо бедор.

Бул жағон дастурида
күрмишам күп ишкаллар,
Зулм күп әркан очунда
бу дунё bemор.

Дарахтлар ҳоли забун
ранг кетмиш чеҳралардан,
Феълимиздан эрур ҳайрон -
Қодир-ул Меъмор!

Йўл сўраб қўйманг яна
адашган йўлчилардан,
Манзиллар чиқди сароб,
қолмади танда мадор.

Бу даврондин умид йўқдур,
не кечгай улус ҳоли,
Соф қолурми бул етимлар
кулаб тушиганда девор?

Фалакни юв, кўзим ёши
ул тоза бўлсин яна,
Ҳаргиз юволмас лек, ани -
қопласа дилни губор.

Ишқ менинг жонимдадир,
на жонимда, қонимдадир,
На бўлгай ул кун жазолар
динидан қайтса диндор?

Кел, эй, дилбар бош эгма,
бу золимларга,
На қылсин бизни жаллод,
ишқ эрүр бизим шиор.

Санға айланди болишлиар
ўтказиб тунни беёр,
Сақтайолмай юрак сиррин
шоириңг бўлди беор.

1989 йил

* * *

Бул гўзал чехрага бок,
унда жаннат ифори бор,
Тарқалур дилдан кадар
ҳар нечаким губори бор.

Аслини сўрсанг анинг,
наслидин чақнар зиё,
Дур сочар лафзи ҳалол,
пок калом ифтори бор.

Юрса гар туфроқ ризо,
лаблари болга ошно,
Ер юзинда тенги йўқ,
хурлардин хуштори бор.

Бул ошуфта жаҳон ичра,
менгзамоқ мушкул они,
Манглайды мұхри қамар,
танглайды чилтори бор.

Зўр илоҳий илҳом ила,
яратмиш Қодир-меъмор,
Қанча ҳурлар улгу олмиш.,
чорасиз рафтори бор...

* * *

Лолаланди ол яноқлар,
ул янада ол бўлсин,
Лабинг теккан қадаҳларнинг
четларинда бол бўлсин.

Сўзлар бўлсанг дур сочилсин,
гуллар унсин изингдан,
Равон бўлсин йўлларинг
четларинда тол бўлсин.

Фанимларинг ер бўлсин,
сенга таъзим дер бўлсин,
Хоҳи арслон, ҳоҳ лочин,
ҳоҳ кўксида ёл бўлсин.

Ўзинг тирик афсона,
ерда юрган ойдурсан,
Мингта Фарҳод мардикор,
хоҳи Рустам Зол бўлсин.

Ошиқларинг тўп қатор,
кўз ёшлари шашқатор,
Гар, сув олса дунёни
сўнгакларим сол бўлсин.

Борим, йўғим бир ўзингга
армуғон этай дилдор,
Сен томондан хуш жавоб
фақат келу, қол., бўлсин.

Лолаланди ол яноқлар,
ул янада ол бўлсин,
Лабинг теккан қадаҳларнинг
лабларида бол бўлсин.

СИРЛИ ОЛАМ

Хожиакбар Шайховга

Фалакдан элчилар келиб кетдилар,
Замин ҳам сирларнинг бўсағасидир.
Бермунд учбурчаги деган жумбоқ ҳам,
Самовий меҳмонлар қўнағасидир.

Илму-ғайлардан эмасмиз огоҳ,
Тархи бузулмаган инсон ақлиниңг.
Гагарин кетиб қолган,
Улуғбеклар йўқ –
Бизлар тушунмаймиз улар нақлини.

Таънали термулар кўзимга осмон,
Офтоб чиқаётир, тонг отаётир.
Кимдир ўйлаётир бизларни бул чоғ –
Кимдир олаётир биздан хавотир...

ҚАЧОНГАЧА

Тилимнинг учиди бир Сўз турибди,
Оғзимни очсам, бас!..
Тилингнинг учиди бир Сўз турибди,
Оғзингни очсанг, бас!..
Мен сенга қарайман,
Сен эса менга. Қачонгача?..
Жим турамиз?
Қачонгача?!

1990 й.

КҮЗЛАРИ КУНДАН ЁРУФ

Күзлари кундан ёруғ,
Юзлари ойдан гүзәл,
Сочлари тундан қаро,
Сүзлари болдан ширин...

Суртгани мушку анбар,
ё, тоза райхонмикан,
Кезгани бөфү эрам,
соймикан сайхонмикан?
Күз тикиб соғинганим
бедардму ё, вайронмикан!?

Тунлари ойга боқса,
ой шошиб кочган каби,
Кунлари кунга боқса
кун чирой очган каби,
Фунчани беҳол этар
ёқутдан олроқ лаби...

Мен шүрлик ҳасрат чекиб,
күп ёниб, суйган эдим,
Күзларимдан ўт тошиб
қошлари күйган эдим,
Бул жаҳон қайғусини
кўксима қўйган эдим...

Зулфи, рухсорин хаёли .
айлади буткул бемор,
Күз ёшимдан ер селоб,
оҳимдин осмон губор -
Ортидан кетди жоним
қолмади танда мадор.

Сүзлари болдан ширин,
сочлари тундан қаро,
Юзлари Ойдан гүзәл,
күзлари кундан ёруғ...

* * *

Кел кулбамга кел эй, дүст,
Бир юракни бўшатайлик.
Ёдга олиб ўтганларни –
Қотган ғамни ушатайлик

Кўшиб ичма андуҳларни,
Пиёлани тўнтариб қўй,
Дўконга чоп Ҳумоюн ҳой,
Тўйдай бўлсин ахир тўй!

Кўшиб ичма андуҳларни,
Қайгуни қўй қантариб,
Бу дунёга келганимиз-ку,
Бир содик дўст ахтариб!

Кел кулбамга кел эй, дўст,
Бир юракни бўшатайлик...

* * *

Кетдилар қайтмас бўлиб,
ўқдай учган камондан.
Юрак йиғлар, соғинар,
жим-житлиkdir, хабар йўқ -
дўстлар кетган томондан.

13.02.95.

ШАРПА

Худо бир сақлади энди ҳеч қачон,
Бу йўлдан юрмайман четлаб ўтаман.
Йўлимда гужанак ётиб олса ҳам,
Айланиб ўтаман, ҳатлаб ўтаман.

Шу шарпа доимо йўлим пойлайди,
Гоҳо сим қоқади, уйим пойлайди.
Унга нима керак билмасман сира,
Билмасман оғзини кимлар мойлайди.

Гоҳ, юрган йўлимда фаволар тарқар,
Тингчина юрсамда иғволар тарқар.
Кимнингдир юлдузи кўпаяр яна,
Кимгадир мукофот, совғолар тарқар.

Гоҳо, ишхонада кўраман уни,
Гоҳо, сайёҳ бўлиб қалпоқ кияди.
Билмадим, қайларда ўтказар тунни,
Гоҳо, чўпон бўлиб телпак кияди.

Гоҳо, намойишда кўраман уни,
Нутқлар сўзлайди ҳайрон қоламан.
Баъзан, йўлбошчидай тутади ўзни,
Сесканиб кетаман вайрон қоламан.

Кимнинг қулоғи у кимнинг кўзидир,
Балким, бўридир у, балким қўзидир.
Қодирийни сотган, Чўлпонни отган,
Олчоқ фарзандидир, балким ўзидир?

Сенга бир сўзим бор шарпа қулоқ сол:
Балким, кафандўзсан, балким сен фассол.
Бизга ҳам осонмас, сенга ҳам қийин —
Мен ҳам чарчаганман, сен ҳам ором ол!

1989 йил.

КАТТА ОДАМ

*«Адолат шамшири» китоби муаллифи
Нурмат Латибжоновга*

Каттахилдай кўринар бироз,
Аслида ўзиям, катта одамда.
Одамзотнинг бўлмас катта кичиги,
Бундайлар учрамас ҳар бир қадамда.

Пётр келбат десам ака ранжийди,
Афсус, Алномишнинг расми қолмаган.
Хулас, Оврўпани икки ой кезиб,
Эгнига муносиб костюм топмаган.

Йиғилиб қолсаку, улфат жўралар,
«Микрофон»ни бир зум бермайди.
Қанча қизиқчилар, қанча лофчилар,
Оғзига термулиб терлайди...

Гоҳида, соатлаб сукутда қолар,
Хотиржамлик зухур юз ифодасида.
Балки, мард аждодлар руҳи мужассам —
Шундайин инсонлар қиёфасида.

Бир замон юртимга Гдлян келди,
У шу лаҳзада чиқди отилиб...
Рост гап шу ўшандагу тўкиб юрган,
Анча оғаларим кетди сотилиб.

Саҳар сим қоқади, овози хаста —
— Пойтахтда тинчликми.,
ҳоргин сўрайди.
О, халқим! Бошингга балолар келса,
Шундайин мардларинг доим ярайди.

17.02.95. Андижон.

АДАШГАНМАН

Ёш эдим., кетди Онам,
жон ила талашганман,
Кўзларимдан сув сочиб,
ёмғурга қарашганман.

Гоҳ, ётиб кўча-кўйда
гоҳида кўкда сархуш,
Хурларнинг бошин силаб,
соchlарин тарашганман.

Дўст унугтса, унугтолмай,
қанчасига жон бериб,
Қанча итга нон бериб,
дўст дебон ялашганман.

То умр етди бул ён,
падарим кетди қаён!?
Бой бериб бору, йўғим —
арzonга талашганман.

Гоҳи, беклар даврасида
ўғрию, тўғри билан,
Гоҳо, бойлар базмига
ямоқдай ярашганман.

Дунёни кезиб ҳайрон,
тополмай бўлиб вайрон
Кулбамда Ойни кўриб
кўзлари қамашганман.

Бўзлама энди жоним,
сўзлама энди жоним,
Сув сўраб кўлмаклардан
саҳрова адашганман.

Малдоҳлар тили бийрон
Мұхаммад кетди қаён?!
Уч-тұрт күн бўлиб улфат —
шеър айтиб синашганман...

Ҳамроқул кездинг жаҳон,
умримиз таранг камон,
Қайдаки, етим кўрсам —
бошларин силашганман...

03.27.04.

МУТЕЛЬИК

Бу одам ўзини маҳбусдай тутар,
Поёnsиз мунг босган қўзини.
Озодликда юрар ҳамма қатори,
Кул деб ҳисоблайди лекин, ўзини.

Хизматта борар у, сира кечикмас,
Секин қараб олар ўнгу сўлига.
Турма нозирига боққандай боқар,
Ишхонанинг тунд қоравулига.

Танҳо қолганида оғир ўй сурар,
Жирканч туюлади ўтмиш ишлари.
Шунда қўzlаридан совуқ ўт чақнар,
Фижирлаб кетади ўткир тишлари.

1984 йил.

ACTA ACTA

Сабр құлғыл, сабр әй, дүст,
саодатлар аста аста,
Сабр бирла висол яқин —
саховатлар аста, аста.

Мангу эмас бу зулматлар,
умид этким тонг яқин,
Охир бир күн ёришгайдыр,
самовотлар аста, аста.

Бу дунёда тугамайди,
йүқолмайди ҳеч нарса,
Шафоатлар, шижаатлар,
қаноатлар аста, аста.

Фойдаси йўқ кўп ишларнинг
ўйлама ҳеч фойдаси йўқ,
Тузилгайдыр, бузулгайдыр,
маҳобатлар аста, аста.

Судраламиз ер устинда,
ярмимиз ер остинда,
Ҳимоятлар, ҳидоятлар,
ҳаловатлар аста аста.

Бир бора ўлган яхши,
ҳар куни ўлган ёмон,
Балофатлар, камолатлар,
салобатлар аста, аста

РАММОЛ ҚИЗ

Ялтиллайди тилло тишлари,
қўлида исириқдони,
Балолардан асрар эмиш
сени, мени, дунёни.

Фоллар очар, берар хабар
келаётган офтадан,
Қалқон эмиш туморчаси
сақлар эмиш кулфатдан.

Умид-ла, боқар унга
пули йўқ мардикорлар,
Бойиб кетар эмиш ҳамма
фош бўлса кирдикорлар.

Лўли синглим содда-кув
ҳамма гапни айтмаяпти,
Гар, қудрати шунча бўлса
нега бойиб кетмаяпти?.

Рангу рўйин сал оқартсанг
пайдо бўлар гўзал пари,
Бунчалар хам сулув бўлмаса —
Самарқанднинг мўлтонилари.

1997 йил.



ВАТАНИМ

Эй, Ватаним сен бизим
бул жаҳонда боримиз,
Боримиз ҳам йўғимиз сен
гуурунимиз, оримиз.

Сендан ўзга тағин не бор
борар бўлсак бош уриб,
Бизда инсон саналгаймиз
Ватан суймак шиоримиз!

Куйсин-у, кул бўлсин,
чиқмасин рангу рўйи,
Агар, сендан тонар бўлса
бирор беғам беоримиз.

Тупроғингдан кўзга суртса
очилгай сўқир кўзи,
Ўрнидан тургай, тузалгай
қон тупирган беморимиз.

Сен деганда зирқирап оңг,
кўпиргай томирда қон,
Сен муҳаббат рамзидурсан
ҳам суюк дилдоримиз.

Сени дебон шаҳид ўлсак
ризо кетгай биздан жонлар,
Чин инсондир йўлларингда
қон кечурга тайёrimиз.

Не ситамлар кўрмадинг сен,
не жафолар чекмоқдасан,
Пайти етди уйғонмасму
ўшал буюк сардоримиз.

Бу дунёдан илинжим шул,
үтингим шул шонга түлсин,
Хур бүлсин, озод бүлсин
Худо берган диёrimiz.

1988 йил

* * *

Сен мени эркала —
Дунёнинг энг гўзал сўзлари билан,
Сен мени эркала,
Сен мени қизғон —
Энг рашкчи аёлнинг кўзлари билан.

Бир сени севдим де, шивирла —
Бул қовжироқ қулоқларимга.
Сен мени қучоқла,
Сен мени ўпгин —
Шарбатдай сингиб кет қучоқларимга.

Фарид бир титроқда вужуд ёнмоқда,
Сен мени қучоқла,
Мени ўп гулим,
Мен ҳаётни севаман жуда —
Мен меҳрга зорман севгилим!



МУҲАММАД ЮСУФ

Шоир кимдир., нари борса катта бола,
Ширин сўзнинг гадойидир, сайёдидир.
Юрагида шоҳ Машрабдан қолган нола,
Шоир асли, бу дунёning фарёдидир!

Ҳақ йўлинда тоҳо, шўрлик ёлғон сўзлар,
Ёлғонини фош этади маъюс кўзлар,
Шоир кетса замин титрар, осмон бўзлар -
Шоир асли, бу дунёning фарёдидир!

Икки дунё бир лаҳзалик хаёлидир,
Фоҳиша ҳам хаёлида ҳаёлидир,
Бахтсиз аёл шоирларнинг аёлидир —
Шоир асли, бу дунёning фарёдидир!

Шеърларида юрак титрар, дук-дук уриб,
Софман дейди, лабидаги қонни сўриб —
Ажал билан сирлашади тирик туриб.
Шоир асли, бу дунёning фарёдидир!

Чечакларнинг сўлишидан хабардордир,
Қиёматлар бўлишидан хабардордир,
Ўзи қачон ўлишидан хабардордир —
Шоир асли, бу дунёning фарёдидир!

Бобур каби муҳожирлик туяр эди,
Шеърларини фарзандидай суяр эди,
Шу юрт учун ҳаммадан кўп куяр эди —
Шоир асли, бу дунёning фарёдидир!

Дунёларни титратди у соддагина сўзи билан,
Қолганини олиб кетди юрагида ўзи билан,
Термулади Мадинанинг,
Нозиманинг кўзи билан —
Шоир асли, бу дунёning фарёдидир!

Кулаб тушди Андижоннинг улкан тоғи,
Ўлдиради энди бизни соғинч доғи,
Юрагимга кириб келди руҳи чоғи –
Шоир асли, бу дунёning фарёдидир!

09.01.2004.

* * *

Булоқ сувин келтирди кеча,
Қалай., дея сўрар дўстим содда-кув
Димиққан, намиққан вужудим бўйлаб,
Зорланиб юмалар ул покиза сув.

Кўксим тўла зардоб фийбат фитнадан,
Сенга юқмасин деб ўшал фуссадан,
Топ-тоза лабингга тамшаниб туриб,
Ўзимни тияман тотли бўсадан.

Бироз фурсат ўтсин, яна бироз кут,
Саҳар еллар елар далаю, қирга.
Балким, юрагимни чайиб олурман –
Ногоҳон йигидек келган ёмфирга.

1985 йил.

ҚИСМАТ

Ким олдин, ким кейин дўстларни бир-бир,
Келган жойимизга йўллаб турамиз.
Лек, ҳазрат шайтонга бало ҳам урмас,
Барчамиз авайлаб қўллаб турамиз.

ШОҲ УСМОН МАНЗАРАЛАРИ

Одамизот олиб келган табиатдан ҳиссасини,
Қишлоғимга қарайман яйдоқ, ёрғоқ қирларга.
Бир марта йўқотармиш кўрлар ҳам ҳассасини –
Мудом ҳасса етишмас бул бизим сўқирларга.

Маҳобатли кўхна мачит бўлар эди бир маҳал,
Бугун эса ундан қолган бир уюм, қуму-тупроқ.
Тегирмон ўрнидачи, уя қургандир шоқол,
Бунда билмам «қарчигай» ё, қарға хизмати кўпроқ?

Чўнг қирларга туташган зилол белбоғ мисоли,
Қишлоғимнинг жон томири ариқлар ҳам қуриган.
Мавлон ботир тирилса гар, жамлайолмай хаёлин,
Дер эдики: - ҳеч шубҳасиз қишлоққа ёв дориган.

Қизил отнинг донғин ёйган полвонлар олис кетган,
Мактаб қурган «Дом бобо»син тан олмайди болалар.
Қишлоғимнинг овозаси кафказу, чеченга етган..,
Ёнгиндан сўнг., тоғларни ҳам тарк этгандир лолалар.

Иримга бир ҳушёр йўқ узун қиш тунларида,
Кўлбола ароқ, носвой, вино, уч тузу., гаштакчилик...
Бор омонат мактабимиз нураган шу кунларда,
На дурадгор, на темирчи, на қолди каштачилик.

Сигирларни оқизгувчи сойларим кетди қаён,
Қани менинг ҳовузларим, зоғора балиқлар қани?
Мансур бўла йилқи қани., кўра тўла бий, чаён,
Узунбулоқ, Курсойларим, чўпону-чўлиқлар қани?

Овчи Ўроз авлодин күш отмоққа келмас ҳоли,
Бир-бирининг гўштин ер., алп келбат юз ўғиллари.
Нос отганча ўй сурар урганжи, соллот аҳли,
Қани элнинг Шарифи, Хўжагелди, Тўғиллари?!

Элимиизда кайвони йўқ., ўкинар момом бот-бот,
Доно Тўлиш ўгитларин тингламадик тиригида.
Не ўй билан банд эзур бул кун ака Холмурот –
Орият деб ўкинади у ҳам элнинг йиригига.

Қани, Асқар отам экиб кетган узумзор боғлар,
Райхон исли шароб тўла сопол хумдонлар қани?
Суворийсиз тулпор каби қунишар баҳил тоғлар –
Ул достончи Жавҳар энам, кумуш шамдонлар қани?!

Ойлаботдан офтоб порлар, четлаб ўтмас бизларни ҳам,
Юргнинг ярми кўчиб кетди катта бойлик топамиз деб.
Ўзимиздан баттарларга узатганмиз қизларни ҳам,
Сочу соқол оқардику айбларин ёпамиз деб!

Кўпкарисиз тўйлар ўтмас ароқлар булоқ-булоқ,
Масту аласт чавондозлар талашади улоққа.
Сархуш куёв кайф усти келинга берар талок.,
Хотинларнинг қаргиши чалинади қулоққа...

Кўзи кўкарған меҳмонини кузатар тонгда мезбон,
Бош оғриқ дорисини излар яна наҳорга.
Кўшни овлуларни айлашиб бутқул яксон,
Чапанилар муштлашгани жўнашади шаҳарга.

Олтибекнинг билгани шу ярашади уришиб,
Энг содиқ дўистларини жанг маҳал танлашади.
Юз кўрмас оғайнилар ёв келганда ярашиб,
Барчаси галалашиб бўридай талашади.

Қора ботир, Гала ботир боболар ўтиб кетди,
Сўлим боғлар, серсув сойлар, тоғ қани, тошлоқ қани?
Ҳар ҳолда боболардан нелардир қолган эди –
Болаларга не деймиз қариндош қишлоқ қани?!

2001 йил. Шоҳ Усмон - Тошкент.

САМАРҚАНД

Бу шаҳарни Самарқанд дерлар,
Нур ёғилар осмонларидан,
Дунё ҳануз баҳра олгайдир-
Ўтган буюк инсонларидан.

Ғазал ўқиб фол кўрар раммол,
Ўғриси ҳам бисмилло дейди.
Сипо тортиб қолгайдир дарҳол,
Регистонни айланган дайди.

Темур бобом тартибга олган,
Бунда туриб ярим дунёни.
Кимки келса абадий қолган,
Ватан топган, топган зиёни.

Бу юрт хорлик кўрмасин дея,
Расул Донёл ҳушёр турипти.
Балолардан айлаб ҳимоя,
Не-не пирлар макон қурипти.

Тепасидан шошилиб ўтмай,
Ҳатто, Офтоб олгайдир ҳордиқ.
Танти Ҳофиз қадрига етмай,
Бир хол учун айлаган тортиқ.

Фозилларни роса ўйлатган,
Турон элин номус оридир.
Самарқандни қўкка бўйлатган,
У Улугбек намудоридир.

Салжуқ бобом ёвқур, тошбадан,
От солганди денгиз ортига.
Куни кеча Кустанантиядан —
Навкар қайтди бобо юртига.

Соқов тоғлар турар кўрғалаб,
Шундоқ турар то омин маҳшар.

Қора, жасур акалар ичра —
Сулув қиздай улғайған шаҳар.

Таровати бамисли болдай,
Хаёлингни селдай қалқиттай.
У санамнинг юзида холдай,
Ярашгандир Ерга ёқутдай.

Мадҳ этсаму куйласам осон,
Бамисоли, юганлик оттайдай.
Қовоқ уюб., жилмаяр осмон,
Донишманд йўқ самовотдай.

Қасидангга зор эмас шоир,
Мактоблардан қулоғи битган.
Ҳиндистонни олганда Бобир,
Самарқанд.., деб тожин итқитган.

Рожа Капур кийиб тўн, дўппи,
Сайёхлиги қолди ярашмай.
Қонидаги боболар руҳи,
Йўл кўрсатди сира адашмай.

Туни бўйи мўлтон қизчалар,
Тумор ясар маҳорат билан.
Самарқандни соғинсанг агар,
Тонгда келгин таҳорат билан.

Минг бор қулаб, минг бор тикланар,
Алл Эр Тўнга, шоҳ Аббос бўлиб.
Гоҳи ерда, кўкда шакланар —
Зарафшоним оқади тўлиб.

Бу шаҳарни Самарқанд дерлар,
Нур ёғилар осмонларидан...

2004 йил. Августъ

ТАНИШ ҲАСРАТЛАР

Хайр сенга гүзал хонадон,
Учрашмасмиз энди биз қайтиб,
Феълини сал кенгишроқ қылсин,
Соҳибингга қўйгинда айтиб.

Уч-тўрут майда иғвогар деб
Бузулмаску дўстлик ҳам,
Агар, сабаб бўлса ароқ -
Куриб кетсин мастилик ҳам.

Бугун эса ўртада жар
Орамизда Ханжар бор,
(Ўйда эса пул сўровчи
хотин деган аждар бор...)

Ўша тунда сархуш эдик,
Кўпроқ бўлган «ош»имиз,
Ўша тунда бош ёрилиб
Йиртилгандир қошимиз...

Йигитликда нелар бўлмас,
Омон қолди жонимиз,
Биз ҳам қараб турмадикда,
Қайнааб туркман қонимиз.

Бу дунёда ҳикматлар кўп,
Ҳўқиз ишлар., от ейди,
Ора йўлда қолиб зўрлар —
Ҳақ васлига етар дайди.

Молу-дунё кўп келдию,
Қўл очиқда ушлолмадик.
Шу сабабли кўп дўстларнинг —
Кўнгилларин хушлолмадик.

Отам шоир эмас эди,
Лекин, озроқ ичар эди.
Пули бўлса қизғанмасди
Аямасдан сочар эди.

От ўрнини той босгандек,
Тақдирдан ҳеч қочолмайсан.
Хувулласа чўнтак қургур,
Улфатларга сочолмайсан.

Шеърмас, достон ёзсак ҳамки,
Бул ҳасратлар бўлмас адо,
Айирмасин дўстлардан ҳеч,
Ҳалолидан берсин худо.

Хайр сенга гўзал хонадон,
Мен ҳақингни тўлолмадим.
Кўп урундин етишай деб,
Лекин, эганг бўлолмадим.

Самарқанд — 1999 йил.

СЕЗМАЙСАН...

Сезмайсан пойингда боғларим пайҳон,
Яна атрофингда бир тўда ҳайвон.
Тоза гулларингдан туҳфа қил дейсан —
Нафасинг етди-ю, ўлдику райҳон.



ХУМОЮН БИЛАН ҚИШЛОҚҚА САФАР

Тошкандан чиқдик болам,
Шеър ёзайлик ол қалам.
Вагонларнинг подаси —
Эшалон кўриниб қолди.

Чиноздан ўтдик мана
Бул ариқмас Сирдарё,
Туманлар тарқаб ана —
Полопон кўриниб қолди.

Уруш-пуруш бўлган йўқ
Кўзларингни қилма лўқ,
Элим, юртим, рўзғорим деб —
Йўлпосбон кўриниб қолди.

Фофур бобонг доно бўлган
Элни ўйлаб эрта ўлган,
Бошин қашлар тарих бобой —
Туркистон кўриниб қолди.

Кўнгилни кенг қилсанг агар,
Жиззахинг ҳам катта шаҳар.
Шароф отанг униб ўсган —
Шаҳристон кўриниб қолди.

Рулга тегма ёнимдан қоч
Кўлларингни дуога оч,
Қара, йўлнинг четларинда —
Қабристон кўриниб қолди.

Узунлашиб Нил бўп кетган,
Балиқлари фил бўп кетган,
Чайқалади Ҳайдар кўли —
Шўр уммон кўриниб қолди.

Бу водийлар гүё хориж
Темур бобонг деган «Париж»,
Қиз учгандан боқсанг Ҳирот —
Покистон кўриниб қолди.

Илон измас жуда равон,
Дунёдаги буюк довон.,
Ота уйга етиб келдик —
Шоҳ Усмон кўриниб қолди.

1996 йил, 17 март
Ташкент-Фориш-Шоҳ Усмон

ҲУҚУҚШУНОС ДЎСТИМГА

Қадимда боболар одил,
Үғриларга бераркан жазо.
Бармоқларин кесаркан аввал,
Этишаркан эл аро сазо.

Гоҳ, ўйлайман мана шу қонун
Жорий бўлса бизда ҳам илкис.
Бармоғидан ажарарди кимдир —
Қолар эди қанчаси қўлсиз.

Шундай бўлсин дейману бир зум,
Қўлларимга қарайман ғамгин.
Юрагимни ваҳима босар —
Бармоқларим зирқирап секин...

1984 йил.

ТАРАДДУД

Шукур Содиқга

Кексалик бостириб келди беомон,
Ёшликтинг бетимсол бўстонларига.
Мен сени ҳамиша ошно этаман,
Қалбимнинг энг гўзал достонларига!

Сув бўлиб сочилдим, нурга қовушдим,
Ёлғонлардан безиб ҳориб, толдимку.
Фалакларни бузди хаста товушим,
Юрагим боламдай йиглаб қолдику!

Қалқисам ёвларим сафланиб қочди,
Қонлари сачради отим сафрига.
Нотаниш дунёлар бағрини очди,
Нотаниш диёрлар чорлар бағрига...

Шу кунлар бамисли қанотсиз күшман,
Талпинсам изиллаб қочар манзиллар.
Зимистон қўйнида гоҳо беҳушман,
Деразам ортида бўрон изиллар.

Бир кеча.,
бошимга қировлар қўнди,
Юрагимга қўчди кўкда юлдузим.
Кўнгил гулбоғлари сахрога дўнди,
Ҳатто, қорда юрсам қолмайди изим...

Кексалик бостириб келар беомон,
Ёшликтинг бетимсол бўстонларига...

1996 йил

ТҮХТАНГ

Бу дунёning зўрлари тўхтанг,
Очинг офтоб кўзларингизни.
Не бўлса ҳам баланд олмангиз,
Яратгандан ўзларингизни.

У дунёни эслаб қўйингиз,
Мазлумларни эзган пайтингиз.
Мозорларга қараб қўйингиз,
Бозорларни кезган пайтингиз.

Зулматларга юз бурган замон,
Борлиқ гўё, бир кекса бетоб.
Хира шамдек ожиз, нотовон,
Фалакларни ёритган офтоб.

Қанча тансиқ неъматлари бор,
Бу оламнинг гўзал боғида.
Султонлар ҳам зор-зор йиғлаган,
У дунёга кетар чоғида.

Не буюклар ўтиб кетдику,
Яхши ёмон номи қолдида.
Ёлғон эмас бор ҳақиқат шу,
Инсон ожиз ўлим олдида.

Бу дунёning зўрлари тўхтанг,
Мазлумларни эзар пайтингиз.
Мозорларга қараб қўйингиз,
Бозорларни кезар пайтингиз.

12.0704.

ОТА

Кеча туш кўрибман укам Олимжон,
Олма келтирибди оҳ, бирам totли.
Боғ ёдимга тушиб отамдан қолган,
Юракни чулғади армон қанотли...

Кеча отам кезиб мана шул боғда,
Машғул эди не кам кўстлари билан.
Дастурхон тузатиб кун ботар чоғда,
Жиндай “отишарди” дўстлари билан.

Машраб ўқиб хушҳол кутарди тонгни,
Шу боғ тўридаги сим қаловатда.
Таваллуд кунлари Соҳибқироннинг,
Бир қўй сўйидиради саҳар албатта.

Тирик тарих эди аслида бобой,
Ватан тарихини мукаммал билган.
Ҳамсуҳбат бўлганми дейсиз ҳойноҳой,
Фитрату, Қодирий, Чўлпонлар билан.

“Ўткан кунлар”нику қўлдан қўймасди,
Газит ўқимасдан ичмас эди чой.
Яқин сирдошидай бўлиб қолганди,
Тунлар сұҳбатдоши Тагоръ, Толстой...

Зерикиб қолганда Тошкан жўнарди,
Юракда асрраган минг гапи билан.
“Ижод” қилишарди турфа жанрда,
Гоҳо, Одил ака, гоҳ Парпи., билан.

Ҳазил, асқияни қийиб кўярди,
Қачонки, эсласак юрак яшнайди.
Ҳозир ҳам қишлоқнинг тўқсон фоизи,
У қўйган тахаллус билан яшайди.

Сира ториқданмас бирор нарсадан,
Ориятни ўйлаб ўқинар эди.
Калтабин раҳбарлар жигига тегса,
Сира аямасдан сўқинар эди.

Баъзида жим қолиб, ўйга ботарди,
Имкони борича қиласарди эҳсон.
Шароб ичар эди, нос ҳам отарди,
Лекин, юрагида эди мусулмон.

Номоз ўқимасди, китоб ёзмаган,
Оддий одам эди, даҳо демасман.
Ва лекин, мен унинг бирон даврада,
Гапин олдирганин кўрган эмасман.

Бул кун фурсат ўтиб англадим яна,
Бир мустар соғинчда титрар баданим.
Дилдаги орзуси эди ягона –
Чинакам хурликка етса Ватаним!

Ҳар ҳолда падарим беармон кетди,
Димоги чоғ эди саҳар, нур олди:
- Бу ёруғ кунларга етишдик болам,
Энди қора кунлар орқада қолди...

Гўёки, тақдирин кўриб тургандек,
Узоқ яшамайман дер эди шўрлик.
Ондан эртароқ етим қолгандик,
Энди фирт етиммиз мукаммал хўрлик!

Кўнгил сўрар баъзан кампирлар, чоллар:
- Бошқача эдида отанг жудаям.,
Бирон бир сир борки, озор бермасдан,
Үйқусида олди жонин худоям...

Улкан мерос қолди отадан танти,
Юракларга сингган пок самимиятда.
Бошга келган ғамга чидаш санъати,
Кулиб яшамоқлик ҳар вазиятда.

Ёруғ хотиралар меросдир яна,
Эсласам тунлари ёришар кўнглим.
Қачонки, қалбингни қайгулар эзса –
Бобойнинг ҳақига дуо қил синглим!

МАЬНАВИЯТЧИЛАРГА

Саратон чилласида
кетмай салқин жойларга,
Ёлборасиз ёрдам сўраб
раҳбарларга, бойларга.

Ўтди Фитрат, Чўлпонлар
Ватаним деб боғлаб бел,
Ўшал замон раҳбарларин
эсламайди бугун эл.

Қовоқ уяр ҳокимлар
tingлагиси келмайди,
Оч боланинг ҳолини
тўқ болалар билмайди.

Йўталади Рауф Парфи
Хақ йўлидан толмайди,
Кўзи тирик Усмонлардан
ҳеч ким хабар олмайди.

Биз биландир Қодирий
бирга қадам ташлайди,
Адабиёт, маънавият —
сизларсиз ҳам яшайди.

Оқ қофозни қоралайсиз
имкон кўпда кўлингизда,
Ватан., дея оҳ чекасиз
дилингизмас, тилингизда.

Етмиш йилки бор йўғимиз
еб битирди шўролар,
Замон келди бек бўлинг
уйғонинг эй, тўралар.

Замон келди ўзлигини
таниб олди халқимиз,
Сиз етишган имконларда
бордир бизнинг хаққимиз.

«Хезби таҳрир», «Ваҳҳобий»,
инсоф берса қанийди,
Фоғил бўлсак болалармас
хотинлар ҳам айнийди.

Ўз уйига ўт қўйиб,
исинганлар хоиндир,
Чорлаганда она Ватан
Пусинганлар хоиндир.

Ўз виждонин каламушдай
кемирганлар хоиндир,
Мазлумларнинг ҳаққин еб
семирганлар хоиндир.

Айтаверсам осмонлар ҳам
тор келади ноламга,
Кўзларимга ёш келади
қараб туриб боламга.

Оҳлар чексак узлатда
оқ олмалар пишмайди,
Ичимидан чиқар хоин
у осмондан тушмайди.

Кўлингизда ваколат,
ҳур Ватаннинг фармони.
Айтинг, қачон ушалади —
ўзбегимнинг армони!

2000 йил. Самарқанд

ОЛМАЛАР

*Бу бир афсоңа лекин, тағида
хазина құрыған аждақо каби
пинак отиб ётар ҳақиқат...*

Тавротда афсоңа бор.,
бир олма учун —
Жаннатдан бадарға бўлганмиш одам...
(Қанчалар серкарам бўлмасин, шунча
нафратга қодирдир Яратган эгам.)

Худо тўғри қилган тартиб бузарлар —
Ҳар жойда, ҳар доим, кони заардир.
Бугун Одам бузса, эртага Раҳмон
Қараб турибсизки жаннат бозордир.

Кувфинга учраган Одам отамиз,
Ноилож, белапоҳ, қолди мунғайиб.
Шундан сўнг ерда ҳам соңсиз саноқсиз,
Олма деганлари кетди кўпайиб.

Куш ҳам уясида кўрганин қиласар,
Севамиз, барчамиз Одам Атони.
Бизлар, одамчалар, баҳоли қудрат,
Такрорлаб турдимиз ўша хатони.

Балки, аҳли жаннат унча сезмаган,
Олмада не лаззат яширилигини.
Биз бугун биламиз, биламиз ҳатто,
Ўғирлик олмалар ширилигини.

Замон тинч, сероблик, одам қўли гул,
Олмалар етилиб, таранг пишмоқда.
Онаси қорнидан ҳар бир одамча -
Олма деб, олма деб, о., деб тушмоқда.

Тангри жазоларин унутди одам,
Ақл расо ё, фаҳми кечлиги учун.
Күркеман, кувмасми одамни Худо —
Ердан ҳам олмага ўчлиги учун.

1981 йил.

БЕҲАЁ ИЛОН

Бир нокас чўмилса илон кирипти,
Нокас ҳам одамда ичи ирипти.

Боласи, чақаси югуриб чопиб,
Бир ҳинду табибни келипти топиб.

Табиб найин чалса илон чиқармиш,
Куй тинса бошини қайтиб тиқармиш...

Куй тинса илонча қалқиб қўярмиш,
Захри бўлмаса ҳам чақиб қўярмиш.

Қайта чал дер эмиш ҳиндуга нокас,
Қовоғин уярмиш тўхтаса бир пас.

Ҳинду кетай деса оғринар эмиш,
Яна мусиқани соғинар эмиш.

Кун бўйи най чалиб ҳинду ҳорипти,
Ҳатто, лабларига учуқ дорипти.

Бу илон беҳаё., нетаман депти,
Найимни олақол, кетаман депти...

ИЛТИЖО

Биз кимнинг юртига бостириб кирдик,
Бизлар тортиб олдик кимнинг нонини?
Биз кимнинг уйига жойлашиб олиб,
Зулукдай сүряпмиз унинг қонини,
Нега жазолайсан бизни худойим?!

Биз кимнинг боғларин қатағон этдик,
Пахта эк дедикми ўрмонларингга?
Қонунлар чиқариб ҳар кун бетайин,
Амал қил дедикми фармонларимга —
Нега жазолайсан бизни худойим?!

Бирон-бир миллатни камситдикми ё,
Бадарға этдикми Ота юртидан.
Биронта акани укага қайраб,
Ифво тарқатдикми улар ортидан —
Нега жазолайсан бизни худойим?!

Биз қайси миллатнинг буюк эрларин,
Авахтага тиқдик, қатли-ом этдик?
Биз кимнинг ёзувин ўзгартиб такрор,
Китобларин ёқдик, ҳам авом этдик —
Нега жазолайсан бизни худойим?!

Кимнинг денгизини қуритдик бизлар,
Заҳарга тўлдиридик ҳаволарини?
Кимнинг мушугини пишт дедик ўзи,
Жаллод атадикми боболарини —
Нега жазолайсан бизни худойим?.

Бизнинг дастимиздан мазлумлар зор-зор,
Кутиб яшадими қабулимизни?
Кимнинг мачитига ўт қўйдик бизлар,
Хочга михладикми расулимизни
Нега жазолайсан бизни худойим?!

1985 йил

КҮХНА ЎГИТЛАР

1.

Катта ёлғон қошида,
Лолдир доим кичиги.
Бойнинг ўғли гапирсин,
Хурсин зўрнинг кучуги.

Бош кўтармай жимгина,
Қилавергин ишингни.
Қон туфлама, жилмайгин,
Синдирса ҳам тишингни.

Қорни тўқقا ёқмайди,
Қорни очнинг ноласи.
Баланд дорни тинч қўйгин,
Эй, қашшоқнинг боласи!

2.

Яшадилар ўлиб, тирилиб,
шукур дея момоларимиз.
Ишладилар ўлиб, тирилиб,
шукур дея боболаримиз.

Яшаяпмиз ўлиб, тирилиб,
кўкка сифмас нолаларимиз,
Ишлайдилар ўлиб тирилиб
бизлардан сўнг болаларимиз...

1982 йил



СОФИНЧ

Шоҳ Усмоним ота юртим,
Қирларни соғиндимку,
Қирларда қолиб кетган
Сирларни соғиндимку!

Дўстлик асли ҳикматдир,
Дўст дийдори жаннатдир,
Ҳасан ота, Шоҳ Усмон ота –
Пирларни соғиндимку!

Холиги, Хайрулласи,
Ёлғоши, Нурпилласи.,
Манглайимга отилган –
Бўрларни соғиндимку!

Кўпкарисиз, улоқсиз,
Яшайолмас олтибек.
Сирож деган чавандоз –
Зўрларни соғиндимку!

Қиши тунлари гаштаклар
Қизимайди ўшаксиз,
Саъдулла, Кўбай деган –
Ўрларни соғиндимку!

Оҳ, бу Ўлмас ароғи,
Тугамайди чанқоғи,
«Свараю», «Уч туз»лар –
«Мир»ларни соғиндимку!

Дунёни хўп айландик,
Сўнг бирига бойландик,
Овумим гўзаллари –
Ҳурларни соғиндимку!

Хей, чапани туркманим,
Овчи Ўроз, Юзбойим –
Тўй тугамай бошланган –
«Ур»ларни соғиндимку!

Отам бодин кезаман,
Кимдир кезар сезаман,
Отам айтар ҳе, онангни –
Дерларни соғиндимку!

Тўйлар бўлсин тўйдайин,
Ҳамроқул ҳам шоирми,
Амир акам ўқиган –
Шеърларни соғиндимку!

2000 йил.

АЗИЗ

Саодат, саховат рамзи бўлган зот,
Азиз бўлиб келган дунёга азиз.
Лиммо-лим юракда меҳру-қаноат,
ИНсонлик шаънини шарафлар насли.
Муруватт бобида Хотамтой ҳам мот,
Боболар шавкатин этган сарбаланд.
Осмонга кўтариб айлаган кутлуғ,
Йироқ ўлкаларда тан олинган мард.
Асл инсонларни қўлловчи улуғ,
Кўрмасин дунёда фам-ғусса ҳаргиз –
Азиз бўлиб келган дунёга азиз!

ДЕҲҚОНБОБОНИНГ АРЗИ

Товоңларим ёрилгандир.
Қақшайди бел, бўғинлар.
Аёлим ҳам яримжондир,
Рамақижон ўғиллар.

Алпомиш деб., ёзипти,
Оҳ, уятдан ўлдимку,
Кампиримни Барчиной деб.,
Элга кулгу бўлдимку.

Сарой депти кулбамизни,
Кўринг ана нураяпти.
Томда ҳатто шифер йўқ,
Болалар қор кураяпти.

Бойчибарга бало борми,
Оғилда кўй, хўтиқ йўқ.
Тўрт ўғилда йиртиқ калиш,
Ҳатто, бутун этик йўқ.

Оқ-поқидан урганми ё,
Олиб қочган жўшиб ёзган.
Ҳазиллашган чоги бола,
Анча гапни қўшиб ёзган.

Илмини ҳеч аямапти,
Лофни роса дўндирипти.
(Бало экан жа, ўзиям -
Раисдан ҳам ундирипти...)

Илтимос шу мухбирбоши,
Юборинг шу болани.
«Бойчибар»га мингаштириб,
Кўрсатайлик далани.

Бошқасимас ўзи келсин,
Унга жиндай арзим бор.
Гонаарни ола келсин,
Хўжалиқдан қарзим бор.

* * *

Келганида фасли қаҳратон,
Софингаймиз баҳор дийдорин.
Үқ учганда мўлжалга томон,
Эшиятгаймиз охунинг зорин.

Қилсак қачон самога парвоз,
Ер ҳақида тинмай ўйлаймиз.
Ер ташвиши қийнаса бироз,
Унга кўқдан најот излаймиз.

Гоҳ, сабримга етгандай тўзим,
Узилгандай бўлар дастларим.
Сизларни билмадим мен ўзим,
Меҳрга зордирман дўстларим.

1985 йил

ТИЛАК

Олимжонга

Яҳши фарзандлар-ла доим укажон,
Оналар юксакдир, пок сақлар жонни.
Сенинг номингни ҳам қўшиб айтсинлар —
Кимки сўрап бўлса Ўзбекистонни!

1981 йил

ШУҲРАТПАРАСТГА

Шеър ёзишдан осони йўқдир,
Савод бўлса янада яхши.
Бўлмаса ҳам ўртама бағир,
Оқинлик қил, яъни бўл баҳши.

Аҳли қалам юртпарвар бўлур,
Аввал, авом кўнглини хушла.
«Халқим.,» дея бир икки оҳ ур,
«Болангман.,» деб кўксингга мушла.

Бу жабҳада бош омил қарсак,
Узун бўлсин десанг дастларинг,
Катта-кичик йифинда бешак —
Қарсак чалиб турсин дўстларинг.

Номдор бўлгил, хоҳ яхши ёмон,
Улуғларнинг номидан гапир.
Буюк деса кимни оломон,
Сен ўшани мўлжаллаб тупур!

Гар, халойиқ қилса ғалаён
Миллатим., деб бошла маъруза.
Бутун бошли халқнинг номидан —
Имзо тўпла, ёздири ариза.

Солмасалар назмингта қулоқ,
Баъзан шундай бўлиши тайин.
Парво қилма кўплаб улуғлар —
Машхур бўлар ўлгандан кейин.

1995 йил.

ХУДО ТАЪҚИҚЛАГАН ИШЛАР

Худо таъқиқлаган ичма деб шароб,
Биз бўлсак ичяпмиз бўлгунча хароб.

Қимор ўйнама дер бизга тангришимиз,
Қиморга тикилган бизнинг умримиз.

Номаҳрамга юрма дер, қолма иснодда,
Номаҳрам қолдими бу кофирободда.

Оллоҳ чўчқа гўштин дегандир ҳаром,
Бизда-чи, чўчқага зўрдир эҳтиром.

Яна, Тангрим айтар қилма ўғрилик,
Зеро, лаънатланар бизда тўғрилик.

Одам ўлдирма дер ҳеч қачон бандам,
Бизда кушандадир одамга одам.

Бир, бир санайверсам етмагай дармон,
Гуноҳ қилмоқлиқдан қолмади армон.

Шундоқ ўтаяпмиз вазифамизни,
Дўзах деб ёзганмиз васиқамизни.

12.04.84.



СИРЛАР

Бу сир очилмасин бу сир очилса —
мўйсафид тоғларни тер босиб,
йўлини терс солар шамоллар,
изиллар овозсиз нолалар.

Бу сир очилмасин
бу сир очилса,
Оталар юзига терс қараб,
даҳрийга айланар болалар...

Кўзлардаги ўтдан қорачуқ куйиб,
ёндирап кипригу, қошларни.
Тарих дўнгалаги ортга айланиб -
мажақлаб ташлайди олтин бошларни.

Бу сир очилмасин бу сир очилса —
кунпояқун бўлар қасрлар,
қабрларда исён бошланиб
ердан кўкка қараб чақар чақинлар.

Бу сир очилмасин бу сир очилса,
лаҳзага айланар асрлар
Тангрига бўйсунмай кўйган
иблис-фаришта -
офтоб панасида салқинлар.

Бу сир очилмасин бу сир очилса-
қора кияр серюлдуз осмон
қиёмат қўпади камида
милён, милён йиллар кўкатлар унмас
тутунлар бурқсиган заминда.

Бу сир очилмасин бу сир очилса —
обрўси қолмайди қолган сирларнинг...

1990 йил.

ЭРКИН

Эркин Йўлдошга

Озодликка уйқаш исмингнинг ўзи,
Дўстлар кўнгли обод меҳрингга қониб.
Ҳар сатринг пурмало донишманд сўзи,
Хаётни севасан куйлайсан ёниб.

Падаринг исмингни қўймиш Эркин деб,
Ватан истиқтолин соғинган дамлар.
Оғзингга термулар нима деркин деб,
Турфа хил қисматли ҳар хил одамлар.

Элга хизмат бурчи сингмиш қонингга,
Юрагинг муҳаббат, меҳрга ошён.
Пок ҳислар эш бўлиб доим жонингга —
Фарзандлар руҳида бўлсин намаён!

Тилагим, дўстгинам соғу-омон бўл,
Шул бокира қалб, бардошинг билан.
Дунёнинг сўнгига етгил bemalol —
Тангрим қовуштирган сирдошинг билан.

2000 йил. Гулистон.



ОМАДСИЗ

Қай ишга қўл ураг бўлса,
ранги ўча бошлар ўша соҳанинг.

Боғбон бўлди бир гаройиб боғ.,
кундага айланди шўрлик дов-даракт.

Илмга урганди ўзини —
ҳисобдан адашиб шўрлик рақамлар,
минг билан милённинг фарқи қолмади!

Сал-пал тижоратга уринган эди,
Дарҳол —
пуллар қадрсизланиб,
мозорга ўхшаб қолди бозорлар

Жиндай мухбирликни касб этган эди,
нархи ошиб кетди қоғознинг.

Шеърият боғига узатганди қўл —
дод солиб йиғлади қофия шўрлик,
оёғига сув тушиб илҳом тулпорин,
очдан ўлаёзди аҳли қаламкаш.

Шунчаки қўл силкиб сўрашган эди,
кеча эшитдимки, ишдан кетибди
ўша шўрлик вазир ошнаси.

Энди ҳамма уни танийди,
у юрганда ҳаракат тўхтар,
хувиллаб қолади кўчалар.

Тоғлар қўрқа, писа термулар -
ногоҳ у суюнса,
кичик бир тошга айланиб,
кўлмакка дўнишдан чўчир дарёлар...

1990 йил.

ҲАМҚИШЛОҚЛАРИМГА

*Қиёматлик оғам, дўстпарвар инсон
Баҳриддин Рахимов хотирасига*

Мени кучоғида улғайтган қишлоқ,
Сендан олганим кўп., қарзим каттадир.
Товоңларим тегиб чатнаган тошлоқ,
Шу азиз тупроқлар менга отадир.

Қарзим узолмадим Онажонимдан,
Отамдан қарзимни ёполмай қолдим.
Бу сархуш кўзларим очилгани дам,
Уларнинг изларин тополмай қолдим.

Оғир дамларингда бел туролмадим,
Узрим қабул этгин мунглиғ синфдош.
Олисларда тентиб эл бўлолмадим,
Дайди шоирингни кечир қариндош.

Сендан ҳам қарзим кўп кўхна қабристон,
Кимлардир ёнингдан чўчиб ўтибди.
Кичик қишлоғимдан қанчалар инсон,
Сокин оғушингга кўчиб ўтибди.

Умр ўтаверар, шу ҳаёт тотли,
Тонглар отаверар офтоби балқиб.
Қадрдон дўстларнинг қутлуғдир ёди,
Кўзёшлар келади ичимдан қалқиб.

Тўю, ҳашамларда тилаклар айтай,
Яхши кунинг кўриб яшнайди дилим.
Ўғил тўйларингда чой ташиб юрай —
Мотамли кунингни кўрмайин элим.

2003 йил. Шоҳ Усмон

ҲЕЧ КИМНИНГ БОЛАСИ ЎЛМАСИН

Майли қиши эртароқ, баҳор кеч келсин,
Лекин, бирор чечак бевақт сўлмасин,
Майлига тоғлардан совуқ ел елсин –
Ҳеч кимнинг боласи ўлмасин.

Майли замин титраб, осмон йиғласин,
Ошиқлар ҳасратда кўксин тиғласин,
Ташвишлар замину, ерга сифмасин –
Ҳеч кимнинг боласи ўлмасин.

Боласи ўлганнинг ноласи оғир,
Кўзларидан сизган жоласи оғир,
Бу қайғунинг юки, моласи оғир –
Ҳеч кимнинг боласи ўлмасин.

Булутлар тарқаса офтоб балқайдир,
Дарёлар қуриса яна оққайдир,
Фарзанд доги тирик гўрга тиққайдир –
Ҳеч кимнинг боласи ўлмасин!

1999 йил.

* * *

Ўткинчи дер эди дунёни отам,
Ёлғончи дер эди дунёни отам.
Шунча йил яшбман ҳою-ҳавасда,
Отам ўгитига солмасдан қулоқ.

Худо раҳмат қилгур,
О, гўри нурга тўлгур,
Ҳақ экан отам!

Ўткинчи экан дунё,
Ёлғончи экан дунё,
Фирт ёлғон экан!

ТҮРТЛИКЛАР

Күзинг очиқ бўлса ташла кўрликни,
Ризқу-рўз деб билма зўрлик, хўрликни.
Энди ичингдаги кишанларни уз —
Агар, озод бўлсанг касб эт ҳурликни.

* * *

Севги шаробига қонсак қонайлик,
Ўздин кечиб буткул тонсак тонайлик.
Оташпараст эдик исломдан аввал —
Мұҳаббат ўтида ёнсак, ёнайлик.

* * *

Баъзи улувларга қилмасман ҳавас,
Золимла яшасанг жаннат ҳам қафас.
Ботқоққа етаклар тўғри йўл қолиб —
Кўп дейди салгина олсам ҳам нафас.

* * *

Гоҳо илм халал берди тинч ҳаётимга,
Гоҳ, осмон тор келди саёҳатимга.
Фалакларни забт этдим, гоҳо хаёлан —
Ўзим ҳам ҳайронман лаёқатимга.

* * *

Сени улуғладим, ғазаллар айтдим,
Сенга бағишланди ҳар баҳру байтим.
Асли, бу дунёда вафо йўқ экан —
Кеча эшигингдан мунғайиб қайтдим.

* * *

Азалдан шу йўлдан олға борилган,
Бу тупроқ аслида қонга қорилган.
Муҳаббатни кўрдим кўзи кўкарған —
Ҳақиқатни кўрдим боши ёрилган.

* * *

Янги кийим кийсам ҳеч келмас ечгим,
Жуда кўп дўстларим аслида ҳеч ким.
Сохта зиёфатлар жонимга тегди —
Узлатга чекиниб келади ичгим...

* * *

Отаси номаълум, бу саёқ итлар,
Осмонни мўлжаллаб тинмай вовуллар.
Ҳаром йўллар томон талпиниб турар —
Нопоклик туфайли топилган пуллар.

* * *

Очиғи, нотўғри кўп ишларимиз,
Бевақт тўкилмоқда соғ тишларимиз.
Ерни пайхон қилдик, осмон ҳам зада —
Адашиб кетдику ёз, қишлиаримиз.

* * *

Ҳар хил уфқларга ботавермагин,
Дуч келган чўққида отавермагин.
Агар офтоб бўлсанг, нурларингни соч —
Кулбангда ёнбошлаб ётавермагин.

* * *

Лабзи ҳалол бўлса, мохов ҳам гўзал,
Тўгри сўз мен учун бамисли фазал.
Тўғрини ўғрига айласа мұхтож —
Асли, ишқал экан тақдири азал.

* * *

Сўз ноёб жавоҳир, ожиз баҳолар,
Баъзан туширамиз билмай қадрини.
Пулни пора деса бу турк оғолар —
Қандоқ қилишаркан олди-бердини...

* * *

Бу зотлар иблисга хизматлар қилиб,
Мукофат тилашар яна Оллоҳдан.
Улар бисмиллосиз дунёга келиб —
Асли пайдо бўлган оғир гуноҳдан.

* * *

Баъзида бўлади оч қолган пайтим,
Шу чоғлар тозарар ҳар ёзган байтим.
Ҳаром луқмалардан сақласин Ўзи —
Ҳалол қотган ноним рўзам, ҳайитим.

* * *

Кундузнинг кечадан қанча фарқи бор,
Ҳар қандай гарбнинг ҳам охир шарқи бор.
Барча рақамни йиг, сўнг ёқиб юбор —
Кул қолса шу кулнинг анча нархи бор.

* * *

Умр кино эмас асло дўстгинам,
Уни қайта, қайта қўйиб бўлмайди.
Унинг муаллифи Яратган эгам —
Жонга тегса ҳамки тўйиб бўлмайди.

* * *

Ташхис қўйган каби bemорга табиб,
Олимларнинг ҳам турфа унвонлари бор.
Бирори душманни дегайдир ҳабиб —
Бошқаси шўр тузни дейди оппоқ қор.

* * *

Гоҳо пиёдадан шоҳлар олур мот,
Асли, танти бўлар зўрман деган зот.
Қовоғингни уюб кўп зулм қилма —
От тепкисини қўтаргайдир от.

* * *

Ёлғон далил айтса, ёвуздир гувоҳ,
Жафо чекмоқ оғир, бўлсанг бегуноҳ.
Бошингни бургулаб тешгандан ёмон —
Бўлса сирларингдан душманинг огоҳ.

* * *

Бу ёлғонваччалар улғайиб қопти,
Хўп башанг кийинган, ўхшайди ростга.
Қошида ҳақиқат мунғайиб қопти —
Осмонга тикилсам ўхшайди пастга.

* * *

Күнглим! Ҳеч ўкинма олға бошлайман,
Гоҳ, сендан яшириб күзим ёшлайман.
Мени йиқилди деб қувонса ғаним —
Устидан султондек назар ташлайман.

* * *

Қон билан ёссанг-да, қофоз-қофоздир,
Қанча бақирсанг ҳам овоз-овоздир.
Юракдан чиқмаган сўзлар кўп совуқ —
Қайда ўқисанг ҳам номоз-номоздир.

* * *

Йигларман, бошимда доим абрдир,
Ернинг ости қабр, усти қабрдир.
Олса ҳам шукур дер, берса ҳам шукур —
Банданинг қисмати бардош, сабрдир.

* * *

Шу қишлоқ сойини келади кечгим,
Бу жойда на қўйим, на қолган эчким.
Нотаниш кимсалар куйманиб юрар —
Мени бу ерларда танимас ҳеч ким..

* * *

Бой бўлиш азобин бойлардан сўра,
Ой бўлиш азобин ойлардан сўра.
Миниб чопсам дейди ҳар битта нокас —
Той бўлиш азобин тойлардан сўра.

* * *

Үзимни йўқотсан, сени топарман,
Сал кўринмай қолсанг йифлаб чопарман.
Тонг маҳал елкангга қиров қўнипти —
Ўзимни ечарман устинг ёпарман.

* * *

Сендан парҳез тутдим сени демасман,
Ушбу очлигимдан масту-сармастман.
Кўнглим ҳам хотиржам, кўзим ҳам равшан
Тортиб олмасалар, қайтиб бермасман.

* * *

Гоҳо, сиқилади кўкрак қафасим,
Омонат туялар олган нафасим.
Онаси бағрида бир гўдак ухлар —
Менинг шу болага келди ҳавасим.

* * *

Гоҳо, шамол бўлиб сочинг тарайман,
Агар, сал тикилсанг ерга қарайман.
Кечаю кундузи сени ўйлайман —
Не қилай борим шул, шунга ярайман.

* * *

Тоғбеги бўлмоқ учун тоғсевар тоғлик керак,
Ҳар дарахтга битта боғбон, яна минг чоғлик керак.
Муқаддас бу Ватаннинг тупроғи олтин эрур —
Зарлари сенга бўлсин, бизларга соғлик керак.

* * *

Халқ ёзувчиси бўлса ушбу адиблар,
Навоий, Яссавий кимники экан?
Адабиёт гўё яйловга ўхшар —
Гул билан ёнма-ён ўсади тикан.

* * *

Қанча мазлумларнинг кўзин ёшлайди,
Бошини силайди қанча жонзотнинг.
Тинимсиз ўзига қарши ишлайди —
Феъли фалати., бу одамизотнинг.

* * *

Кит деб мақтангандек лофчилар бот-бот,
Дарёнинг энг майда балиқларини.
Буюк ахлоқ дейди бир чала мулла —
Истерьодод аҳлига қилиқларини.

* * *

Бир дўстим кўп қиммат тошим бор, дейди,
Яна хўп ақллик бошим бор, дейди.
Кун бўйи далада тер тўкли дехқон —
Кел дейди, бир коса ошим бор, дейди.

* * *

Инсонлар бор, гўё шўр тупроқ,
Хато излар Она ибодатидан.
Улар севиш бахтидан йироқ —
Йироқдир севилиш саодатидан.

* * *

Бошга тушганини кўрдингку кўзим,
Жонимга тилайман Оллоҳдан тўзим.
Ота йўқ, Она йўқ эрка етиммиз —
Ўзимнинг бошимни силайман ўзим.

* * *

Дунё ташвишлари бари омонат,
Улардан кўп зада, толикқан кўкрак.
Руҳингга дахлдор қанча ташвиш бор —
Бир кун барчасини ҳал этар юрак...

* * *

Кўрқоқнинг қиличи занг ичра қолди,
Бу танг дунё яна жанг ичра қолди.
Шеърият тулпори бир силтанди-ю,
Маддоҳ шоирларинг чанг ичра қолди.

* * *

Ҳеч кимса фурсатнинг тутолмас дастин,
Вақт тулпори ана учиб, елмоқда.
Ҳеч ким тош отган йўқ, қарагин дўстим —
Ўзингнинг тошларинг қайтиб келмоқда.

* * *

Такрорлар ҳамма, ҳатто, чол-кампир,
Оққан дарё оқар, хикматдир тирик.
У қайга оқмоқда, сен шундан гапир —
Эски ўзанини топдими шўрлик.

* * *

Кўзларим зулматга ўрганган нурлардан қамашади,
Кўлларим қуллуққа ўрганган таъзимга талашади.
Бошни сал кўтарсам ағёр муштидан фурра —
Фанимлардан қутулсам дўстларим савашади.

* * *

Бадавлатни суяр омонат дунё,
Аҳли маддоҳ борки унинг соясида.
Мазлумдан эҳтиёт бўлгин эй, дўстим —
Чунки, у Тангрининг ҳимоясида.

* * *

Икки оралиқда чарчадим, толдим,
Икки оралиқда қийналди жоним.
Бир бирин тан олмас бу икки тараф —
Кимники бўлурсан энди иймоним

* * *

Яшадик бир калом, сўзга талашиб,
Гоҳ қийик, гоҳ шаҳло кўзга талашиб.
Тўрт кунлик дунёда уч кун меҳмонмиз —
Умр ўтди бир парча бўзга талашиб.

* * *

Бир кун сени тарк этар юрак,
Вужудингда бир гарис титроқ.
Ўшал заранг, кўҳна заминга —
Сочилади бир сиқим тупроқ.

* * *

Бунчалар ҳам бағритош бўлма,
Замон турланмагай феълингга қараб.
Бу ёруғ оламда бор топганинг шул —
У қараб турибди сенга жовдирааб.

* * *

Ким эртароқ бошласа, тугатгайдир эртароқ,
Кечикканлар ёлборар холаси, аммасига.
Нафсиға ғолибларнинг ошиғи олчи ўртоқ —
Ҳаммасидан воз кечсанг етасан ҳаммасига.

* * *

Билсайдим, қанотим қайрилмоғини,
Сал пастлаб учардим қараб раъйингга.
Аввалроқ билсайдим ёрилмоғини —
Бошимни урадим исқиқт пойингга.

* * *

Ҳаёт устахона, кўҳна, гаройиб,
Ямаб ясқалади бунда имконлар.
Келиб, кетаверар мажруҳи майиб —
Ҳар куни туғилмас комил инсонлар.

* * *

Бола тек туролмас, хуштаклар чалар,
Бобонинг кўзида кўҳна замонлар.
Биринчилик учун кураш тушишар —
Ўзаро келишиб олган полвоңлар.

* * *

Нега бунча фифонинг фалак,
Бу гапларинг одобдан эмас...
У ўзини баланд олмади —
Сен ўзингни паст тутдинг холос.

* * *

Оталарни асрай олмадик,
Дилда армон, кўзда жолалар.
Эгов бўлиб дунёга келдик —
Асрармикан бизни болалар.

* * *

Бу ойдин кечалар нақадар гўзал,
Кунни соғинамиз тун келган маҳал.
Билмасмиз биз учун қай бири афзал —
Кечами, бугунми, абадми, азал...

* * *

Кўз эдим, термулиб ёшланган эдим,
Сўз эдим, топталиб ғашланган эдим.
Минг йилки касбим шу отиб, ботаман —
Сен тўхта деганда бошланган эдим.

* * *

Сиз талаффуз этмасдан аввал,
Нақадар пок эди сўзлар мақоми.
Энди меҳр сўзи меҳрга маҳтал —
Дод солиб йиғлайди зулм каломи.

* * *

Дўйстларку, ўз йўлига душманга ҳам яхши бўл,
Ҳатто, қийшиқ деворнинг ямоги бўл, нақши бўл.
Тўғри сўз айтмоқ фарздири ким ўзини таниса —
Майли, номдор шоир бўл, майли фақир бахши бўл.

* * *

Онасиз ўсдик биз, Она меҳрини,
Китоблардан ўқиб, хатлардан ўқиб.
Даҳшатли туш каби ўтди болалик —
Синглимнинг кўзига қарайман кўрқиб.

* * *

Новда барг ёзмаса, кимдир йўнипти,
Юлдуз нур сочмаса, демак сўнипти.
Ногаҳон боғингда хуш бўй таралмиш —
Билки, гул шохига булбул қўнипти.

* * *

Агар ғофил бўлса, тубандир инсон,
Улуғлар отасин хўрлаганларни.
Бу лақма болалар мадҳ этар шодон —
Олқишлилар онасин зўрлаганларни.

* * *

Юраклар соғ, кўнгиллар тоғ, тишлар бутун, шашти шундай,
Осмондай кент, бепоёндир, бу қашшоқлик дашти шундай.
Бойлик дейсиз, зор қақшайсиз, у-чи, мизгир ёнбошлаб
Тугамайди қанча сурсанг камбағаллик гашти шундай.

* * *

Ёшлик ўтди урҳо ур, ҳар кас билан солишиб,
Душманлар ҳам зерикди чарчаб, ҳолдан толишиб.
Тортишмоққа арзирлик бир сабаб ҳам қолмади —
Энди кунлар ўтмоқда ўзим билан олишиб.

* * *

Хушёр эдик, ичиб, мастилашиб кетдик,
Уч-тўрт нокас билан қасдлашиб кетдик.
Тавба қилаётуб гуноҳлар қилдик —
Пастларга тенглашиб, пастлашиб кетдик.

* * *

Юз йилки, бир жойда жилмай турибман,
Дунёнгни назарга илмай турибман.
Эй, ошна сен билан қанча ишим бор —
Ўзим мақсадимни билмай турибман.

* * *

Кўп иймонли зотлар авлиёмонанд,
Юрт учун аямай жонин бердилар.
Умри уйсиз ўтган шоирнинг кеча —
Катта бир шаҳарга номин бердилар.

* * *

Падаркуш қотилни оқлар бир одам,
Ҳақиқатни ёлғон дўлида янчар.
Рост сўзнинг қадрини англар сўнгги дам —
Фарзанди кўксига санчганда ханжар.

* * *

Сутдан қолган сиғирга ўхшар,
Ёзмай қўйганида шоир шеърини.
Қари говмишини сўйганди тоғам —
Янгам тузлаётир йиғлаб терини.

* * *

Сув эдим, тоғу тошда сой бўлиб оқдим,
Акс этдим осмонларда, ой бўлиб оқдим.
Сой бўлганим ёлғон, ой бўлганим ёлғон —
Токи сенга етгунча лой бўлиб оқдим.

* * *

Бу дунё аслида бир шўрлик бемор,
Хушёр бўл тунларинг ўтса ҳам бедор.
Умр лаҳза бўлса тун унинг ярми —
Яна қолган ярми ўтмасин бекор.

* * *

Анқигай дуди бир кун ҳар қилиқ, кирдикорнинг,
Қарфиши ёмон бўлгай муҳтожу, хору-зорнинг.
Ишлатиб иш битказинг муродга элтар сизни —
Дуоси олтинга teng чорасиз мардикорнинг.

* * *

Бул азиз умримизнинг азиз ҳар дамгинаси,
Олтину зар не даркор, етарку камгинаси.
Не ишим бор дунёнинг минг турлик ғавғосига —
Вайрон этар кўнглимни кўзингнинг намгинаси.

* * *

Ким дунёга келиб, қилмаса сафар,
Тош каби тупроқса қолгайдир ботиб.
Саодатта етмоқ мушкүл биродар —
Гоҳ узала тушиб, ёнбошлаб ётиб.

* * *

Ўзингни алдама, энг ёмони шу.
Майда ташвишлар ҳам ўтар дўстгинам.
Бу ёлғон дунёда энг оғир синов —
Ёлғон сўзламаслик, севиш чинакам.

* * *

Дилозор найзасин дами кўп ўткир,
Саховат баҳосин ўлчашга тош йўқ.
Сен менинг юзимга боқмагин ҳайрон —
Туну кун йифлайман, кўзимда ёш йўқ.

* * *

Қай зотнинг дилида ибодати бор,
Ҳар икки дунёда саодати бор.
Улуғ мартабага бўлгай мушарраф —
Унинг ўз офтоби, самовати бор.

* * *

Карам этса, Тангрим ўзи бериб қолар,
Бу мазлумлар кўксин бир кун кериб қолар.
Мангу эрмас бу туманлар бир кун тарқар —
Бу музликлар охир бир кун эриб қолар.

* * *

Гуноху савобга ўзимиз гувоҳ,
Озгина муслиммиз, озгина гумроҳ.
Гоҳо бода ичиб, сафсата сўқдик —
Жим юриш савобдир, жим ичиш гуноҳ.

* * *

Кўнглимда на губор, шаффоғ гардим йўқ,
Ростини сўзласам, тинглар мардим йўқ.
Адашган бандаман зулмат ўрмонда —
Атроф тўла жонзот, сирдош мардум йўқ.

* * *

Ноҳақ таъна, таъҳқирлардан қўрқаман,
Шеърин силлиқ тўқирлардан қўрқаман .
Қўрқоқ деманг, ўнта эмас умрим ахир —
Кўзи очиқ сўқирлардан қўрқаман .

* * *

Гоҳо, илон карахт кўзларимиздан,
Гоҳо олов музлар сўзларимиздан.
Гоҳ уни, гоҳ буни гуноҳкор деймиз —
Аслида, бор гуноҳ ўзларимиздан.

* * *

Ҳар жойнинг тулкиси овланар ўз тозиси билан,
Фаранглар ҳукм этмас туркманнинг қозиси билан.
Нур кўпайган жойларда соя ҳам қуюқ бўлғай —
Обол эл барбод бўлмас уч-тўрт норозиси билан.

* * *

Беклар мартабасин олгандир маstлар,
Уч-тўрт оғзи шалоқ, насаби пастлар.
Уларнинг амрига итоат этар —
Не, не зоти улуғ, мансаби пастлар.

* * *

Бу нокаслар бизни шилиб, қилди-ку хонавайрон,
Бу кўргулик камдайин, бўл дейди яна вайрон.
Вайрон бўлиб юраги ўтиб кетди падарим —
Болам менга термулар, турибман бўлиб ҳайрон.

* * *

Бу дунёning давлати кўринмас ҳеч кўзимга,
Ўзимдан сал кетгандим, яна қайтдим ўзимга.
Ўзимдан ҳам уялиб юрибманку азизим —
Шу тупроқни қизғанма қўл узатма бўзимга.

* * *

Кўзимнинг нури дердим, нури ҳам кетди,
Сўзимнинг дури дердим, дури ҳам кетди.
Муҳаммадсиз Маккадай кўнглимнинг Мадинаси —
Уйимнинг фариштаси, дури ҳам кетди...

* * *

Сахро ўртасидан чўнг сарой қурма,
Йиқилганни тепма, етимни урма.
Корни оч арслоннинг ёнидан қочгил -
Отлар тепишганда ўртада турма...

* * *

Кимдир кўзга суртар дур деб қировни,
Кимдир жарга судрар кундуз биронни.
Бу дунё аслида зўр маймунхона —
Масхара қиласи менгров менгровни.

* * *

Қўлларингга тақ дейсан, ишим йўқ соат билан,
Намоз вақтин билмасман, ҳар лаҳзам тоат билан.
Унга, бунга эргашиб толикдимку, азизим —
Энди бироз тин олай, бобо қаноат билан.

* * *

Ўн бешида тож кийган Бобир,
Ақл ёшга эмас, бошга кўп доир.
Ўн бешда ҳам яланг бош эдик —
Қирқقا кирдик эмасмиз шоир.

* * *

Эл дуоси ижобат, сенга совут-пўст бўлсин,
Бандасига бош эгма, Ҳақнинг ўзи дўст бўлсин.
Ризо бўлгил берган умр, ҳалол ризку-рўзига —
Биргалашив бутлаймиз, қанча каму-кўст бўлсин.

* * *

Мадорсиз кексага нишаб тоғ эрур,
Саҳройи чўпонга чўп ҳам боғ эрур.
Нафс бандаларин тўйдириб бўлмас —
Иймони покларнинг кўнгли чоғ эрур.

* * *

Дарёга яқин юрсанг, сал тегади салқини,
Оловга яқин турсанг, иситади ёлқини.
Бойларга ишонмагин, олишмагин зүр билан —
Узоқдаги күйруқдан яхши дерлар яқини.

* * *

Булар оғир касал, дарди бедаво,
Фойдаси йўқ минг қаратган билан.
Бул кун тош отмоқда Расулиллоҳга —
Сўнгра жанг қилмоқчи Яратган билан.

* * *

Эй, азизим! Билармисан, билармисан қайдаман,
Қайда бўлмай барибир доим сенга шайдоман.
Мени унутди деб, оҳ чекма ёри-жоним —
Унуган чогинг унут, сал эсласанг пайдоман.

* * *

Бу дўст ҳар кун турланиб, ҳар лаҳза, ҳар он ўзгарар,
Кўлладим деру лекин, минг жафолар кўргазар.
Биз назар солганимиз солмади бизга назар —
Ўзинг қўлла Оллоҳим юз бурса ҳам ўзгалар.

* * *

Навоийни ўқибсан неларнидир олибсан,
Ўтган-кетган гапларни сал, пал шеърга солибсан.
Қоғиялар жарангি кўп яхшидир шоирим —
Буюклик тайин эди, салгина кеч қолибсан.

* * *

Иймонимни поклаб ой қилиб бергин,
Нафсимни жиловлаб той қилиб бергин.
Майли кўз ёшларим ичимга оқсин —
Сўнгра юрагимдан жой қилиб бергин.

* * *

Куш бўлиб яралсам, ҳеч қўнмас эдим,
Тило тахтларингта ҳеч минмас эдим.
Жиндай тин олардим мағрур тоғларда —
Кўкка талпинардим, ҳеч тинмас эдим.

* * *

Булбулмас, бир шўрлик қирғовулинг бор,
Ош есанг, тепангда баковулинг бор.
Сени қўриқлашнинг ҳеч кераги йўқ —
Ўзингнинг ичингда қаровулинг бор.

* * *

Бировлар кун кўрар қушларни отиб,
Бировлар кун кўрар ўзини сотиб.
Яна бир қавм бор яшайди яйраб —
Камбағал шўрликнинг бурнин қонатиб.

* * *

Ёлғон шудгор бўлса, бу одам мола,
Турган битгани шу, бошларга бало.
Пул берсанг ҳурни ҳам фоҳиша дейди —
Пул берсанг иблисни дегайдир хола.

* * *

Ётиб олиб ўй сурсанг, нелар келмас хаёлга,
Тушингда уйланасан энг чиройли аёлга.
Ёнбошлаб ётганингда буюк донишманд эдинг —
Туриб жавоб топмайсан боланг берган саволга.

* * *

Хофизим қўшиқ айтар бировнинг овози билан,
Шоирим шеър ўқийди қўлда қофози билан.
Ҳақиқат ахтариб бир кун мачитга борсам —
Мулламиз мақтанди зар жойномози билан.

* * *

Истагим, чант босмасин бегубор осмонинингни,
Фам чекма топгайдирсан ул азиз инсонингни.
Ёзавер, энди дўстим шеър ила достонинингни,
Ҳақ ўзи йўл кўрсатар покласанг иймонингни.

* * *

Жуда камбағалмиз, лекин лиммо-лим,
Улуғ туйгуларга қалбимиз тўлуғ.
Дунёда топганим сенсан муҳаббат —
Англаган ҳикматим ўзингсан қутлуғ.

* * *

Бир гала таъмагир, кассобу нодон,
Мансабдор бўлди-ю, эл бўлди хароб.
Халқнинг қарғиши ўқ, кўз ёши уммон —
Бари оқиб кетар, сел бўлар хароб.

* * *

Бир сўзла дунёда уруш бошланиб,
Бир сўзла қирғинга ясалгай якун.
Фикр ёмбисини эҳтиёт эттил —
Аввайлаб ишлатгин сўзнинг шамширин.

* * *

Ёлчитиб ўз элингта бор гапинг айтолмасанг,
Ёлғонингдан воз кечиб, ортга ҳам қайтолмасанг,
Шоирлигинг бир чаقا, ҳофизмисан ё, оқин —
Отмисан ёки хўтиқ ё, қари байталмисан.

* * *

Нени олар бўлса, текин бер дейди,
Заҳмат чекмай дейди, секин бер дейди,
Умрида чумчукқа сув ҳам бермаган —
Экмаган, тикмаган, лекин бер дейди.

* * *

Энг ўткир заҳардир одамнинг сўзи,
Энг оғир назардир одамнинг кўзи.
Ер қазиб қартайган бир олим деди —
Энг ёвуз аждардир одамнинг ўзи.

* * *

Юзта говмиш йифилиб, битта тана бўлолмас,
Мингта қофоз фармонинг дўлга пана бўлолмас.
Қасамхўр бўлса ота, туғилмас ростгўй ўғлон —
Азал шундоқ бўлмаган, энди яна бўлолмас.

* * *

Бу халқни ҳеч қачон енгиб бўлмайди,
Кўп ташқи душманлар бўлдилар гувоҳ.
Бу халқ фуурига тегиб бўлмайди —
Ички душманлар ҳам бўлсинлар огоҳ!

* * *

Аслида, бу ҳаётнинг мукаммал ҳар томони,
Гадой кўпайиб кетди шудир бироз ёмони.
Бир мўътабар даргоҳга боргандим ишим тушиб,
Бошлиқ экан бу жойда бир серсавлат мўлтони.

* * *

Бошинг тошдан дедилар —
Гоҳ, барибир ёряпман...
Боламнинг бўйига термулиб —
Отамнинг ортидан боряпман.

* * *

Кулолнинг кўзаси синар бир куни,
Худонинг бандаси ўлар бир куни.
Ўлик подшоҳ билан teng эрур гадо —
Охир ёғоч отга минар бир куни.

* * *

Бу одам аслида шаҳарда яшар,
Лекин, юрагида қишлоқнинг дарди.
Тарихларни титинг гувоҳдир башар —
Яхши одамларнинг бўлмаган қадри.

* * *

Тун ила кундузга висол саҳардир,
Түннинг касби зулмат кундуз баҳордир.
Муноғиқ аҳлига иймон бегона —
Улар билан есанг асал заҳардир.

* * *

Энг оғир чоғда ҳам бир паноҳ топдим,
Ғанимлар ичра ҳам хайриҳоҳ топдим.
Дедим: — қолдим дўстсиз, беимкон, гариф,
Шунда ҳам ҳолимдан бир огоҳ топдим.

* * *

Мұхаббат гўзал сеҳргар қофоздан гуллар ясар,
Хипчабел жанонлардан гумбаздек туллар ясар.
Асли, ҳамсоядир мұхаббат, нафрат —
Бўшанг йигитлардан қасоскор қуллар ясар.

* * *

Ҳаёт сандонида қисмат темирчи,
Тинмай тоблар экан инсон зотини.
Бир дўстим осмонга учмоқчи эди —
Оёғидан тортди суйган хотини.

* * *

Жарга етакловчи равон йўллардан,
Чўққига элтувчи сўқмоқ яхшироқ.
Сохта даҳолару, лўттивозлардан —
Нодон қўлидаги тўқмоқ яхшироқ.

* * *

Ердаман, қўқдадир нигоҳим менинг,
Самони тўлдириган гуноҳим менинг.
Қора булутлармас осмонни тўсган —
Уч-тўрт юки енгил ҳамроҳим менинг.

* * *

Ранжиган дўст бўлса қайтиб келади,
Ёки, қайтишингни кутади ойлаб.
Ранжиган дўст бўлса азоб чекади,
Сенинг беандиша тилингни ўйлаб.

* * *

Бу дунё аслида бир кўҳна бозор,
Хўрлик, ҳақоротга кўксимиз мозор.
Тилимни суфуриб олсанг розиман —
Фақат, сен дилимга бермагин озор!

* * *

Офтоб кетса уфқ ортига
Зулмат аста соя ташлайди.
Қачонки, қалб севишдан қолса —
Вужуд аста нурай бошлайди.

* * *

Энг яқин сирдошим сен бўлиб қолдинг,
Пинҳон сирларимдан ягона огоҳ.
Ҳолим не кечарди, не бўлар жоним —
Сен ҳам юз ўғирсанг мендан баナгоҳ.

* * *

Кўзимга шувоқлар чинор кўринар,
Лойсувоқ кулбалар минор кўринар.
Киндик қоним томган овулим жаннат,
Янтоқнинг шохида анор кўринар.

* * *

Қаршингда девормас эшик турибди,
Бу ёғоч тахтамас бешик турибди.
Кўксингни пайпаслаб калитингни топ —
Офтоби мўралаб тешик турибди.

* * *

Озод этдим қушни ки, золим одам дастидан,
Кушгинам парвоз этгил, олавер эркин нафас...
Учаркан ул оппоқ булултарнинг устидан —
Тин олиб шўрлик деди: қафасдан чиқдим:-қафас!

* * *

Кўп ёлғон гапирма, бўлди бас, абас,
Бу дунё аслида бир улкан қафас.
Яна бу манзилда тузоқлар кўпдир —
Шерлар ҳам биқиниб олмоқда нафас!

* * *

Қасос қон сурмоғи азалдан аён,
Шу ярим дунёни қилдилар вайрон,
Қани Искандарнинг набиралари —
Чингиз авлодлари кетдилар қаён?!

* * *

Тонгда тур бут бўлғай ризқу-рўз бари,
Сира ечилмади бу ҳикмат сири.
Минг йилдирки деҳқон уйғонар саҳар —
Ҳеч икки бўлмади шўрликнинг бири.

* * *

Дунёда ҳеч нарса эмасдир эски,
Янгилик эмасдир, тўкилса япроқ.
Минг йиллик иморат ер парчин бўлди —
Яратиш ишқида ёнар соз тупроқ.

* * *

Мулла бир одамни сўкар: - арақхўр,
Уялмай ичасан тонг палласида...
Қадр кечасида жон берди майхўр —
Мулламиз ўтдилар қиши чилласида.

* * *

Офтоб қон йиглатиб кетар кундузни,
Қандай куч порлатар шунча юлдузни?
Бобом саволига топмадим жавоб —
Туз айниса қандоқ сақлаймиз тузни?!

* * *

Бир замон бир юртни хурофот босди,
Ўғриларга ўтди асрий бойликлар.
Сотқинлар мардларни дорларга осди.
Фоҳиша бўлдилар қоши ёйликлар.

* * *

Қарақалпоқ, түркман, ўзбек биродар,
Қыргыз сал суринса, қозоқ бемадор.
Эски чориғини унутмайды мард,
Ботир ўз дўстини қилмас ярадор.

* * *

Бизлар дўстларга қул, ёрга меҳрибон,
Гар, ғаним мард бўлса, эгамиз бошни.
Эй, қасос ўтида ўртанган инсон —
Секин ерга ташла қўлдаги тошни.

* * *

Яхши одам топсанг тез менга кўрсат,
Манглайидан ўпай ўтмасин фурсат.
Кечаю, кундузи дўст деб йиглайман,
Кечаларим ҳасрат, кундузим ҳасрат!

* * *

Ўн йил шароб ичдим, ўн йил инградим.,
Арслон ўлигини кўргазмаган...
Кеча деразадан секин қарадим —
Кўрдим., ҳеч нарса ўзгармаган.

* * *

Хижолатдан терлаб, қизардику юз,
Яна фириб берди бизларга юзсиз.
Йўлбарсдай йигитни охир ўлдирди,
Кўркувдан титраган бир гала ожиз.

* * *

Дўстларим кўп дейсан бир соғи борми,
Золимга даф айттар ҳол чоғи борми?
Хоинларнинг бунча бошлари баланд,
Илигига илон сарёғи борми?

* * *

Осмонга ўрмала, қирқилса ҳам қанотинг,
Пастни кўзлар бўлсанг, нарвон ёнингдадир.
Бу фурбат даштида адашган бир сенмас —
Кўркувдан кутулсанг, сорбон ёнингдадир.

* * *

Офтоб бежиз нурлар таратмагандир,
Бежиз кўкни ерга қаратмагандир.
Барини билгувчи ул Қодир Эгам —
Бизни эрмак учун яратмагандир!

* * *

Эй, дўстим! Дўстларинг бормиди сенинг,
Сезмадинг, узулди дастларим менинг!
Дўсти йўқ кимсалар душманим менинг —
Дўсти кўп инсонлар дўстларим менинг!

* * *

Бизлар неки топсак сал камроқ едик,
Бошқаларга камроқ қолмасин дедик.
Дўстларим нафсига қарам бўлмасин.,
Бизларни қаритди мана шу ҳадик.

* * *

Ортимдан ҳар кимга нелар сўйлайсан,
Эшикни беркитсан, тешик бўйлайсан.
Жаллод бўлсанг номард, нега сўймайсан —
Сен бизни ифвогар ким деб ўйлайсан.

* * *

Боқсангиз ҳар ён дўстлар, бир фозил инсон йўқ,
Бу иймон аҳлинда имкон, имкон аҳлинда иймон йўқ,
Йўл оғир, манзил узоқ, ҳар лаҳза хатарликдир —
Дил оғрир, кўпдир тузоқ., омонат жонга омон йўқ.

* * *

Киш чўзилиб кетди жудаям.,
Баҳорни соғиниб чарчади юрак.
Совуқ урган майса йиғлайди юм-юм,
Бир тоза фаслни қўмсайди кўкрак.

* * *

Қай ишим кўнглингга хуш келмас дилдор,
Келаман дегандинг., келмадингку ёр?!
Тоғларни қучоқлаб ухлар оқ қорлар —
Дарахтлар оҳ чекар., кечикди баҳор.

* * *

Етди кўп роҳат сенга, етмади раҳмат менга.
Ҳаваслар бот-бот сенда, етгани заҳмат менга.
Ғанимлар фитнасидан кўп зиён кўрдик эй, ёр —
Гуноҳлар қат-қат сенда., қолгани туҳмат менга.

* * *

Сен кутган мўъжиза бир кун рўй берар,
Қаршингда илоҳий тасвир бўй берар.
Ўзидан ўзгадан нажот йўқ бунда —
Сенга жон берганнинг ўзи тўй берар!

* * *

Ватанида тер тўқди., чет элда тўзди.,
Борини отаси бой берган инсон.
Заминда нажот йўқ, қўллагин ўзинг —
Кучоғингни оч эй, сахий осмон.

* * *

Мард киши пок сақлагай ор ила номусни,
Қарғалар ифво қилас муниса товусни.
Норизо бўлма шоир оссалар дорга сени —
Ёр жамолига менгзадинг кўҳна фонусни.

* * *

Тун билан кундузнинг орасидаман,
Софингсанг кўзингнинг қорасидаман.
Айбим шул ошиқман., сенчи бехабар —
Ёши қирқдан ошган норасидаман.

* * *

Улимдан кучлироқ имтиҳон йўқдир,
Севгидан кучлироқ зўр тўфон йўқдир,
Мени озод қил деб ўзингга ялин —
Ўзингга ўзингдек меҳрибон йўқдир.

* * *

Ерда ётган кесакка қара.,
Тенгман дейди қоялар билан,
Эй, ўғлон, сен нурга талпин —
Иш тутма ҳеч соялар билан.

* * *

Туманга бош бўлди нафси бузуқ бой,
Ҳар ёнда йўқчилик, ҳар томон дод-вой.
Катта шоҳ кўчанинг шундоқ ёнида —
Садақа сўрайди гадойдан гадой.

* * *

Мардларнинг топгани ҳалол ош бўлсин,
Кимки, ёвуз бўлса тезда фош бўлсин!
Ўз чибиннингни ўзинг қўриб юр —
Ёнингда вафодор қаламқош бўлсин.

* * *

Зарим бўлса ғазнани очар эдим аямай,
Олтинларни ҳар томон сочар эдим аямай.
Бор бойлигим сарф этиб гўзалларга —
Қолганига олар эдим бир кўза май.

* * *

Гоҳида, ўринсиз ғовғо қилурмиз,
Гуноҳ қилиб сўнгра тавба қилурмиз.
Бир умр авайлаб, боқамиз охир —
Жонимизни гўрга совғо қилурмиз.

* * *

Паст бўлса ҳам шу ўз овозимдир,
Яна қўлда қалам, оқ қофозимдир.
Бу хаста кўнгилнинг ибодати шул —
Юрагим — жойномозимдир...

* * *

Асл мўъжизадир шул буғдойи нон,
Дарҳол ҳазм бўлиб, бўлар қизил қон.
Нафснинг каттаси кимда билмадим —
Эл тўйса ҳамки, тўймас тегирмон.

* * *

Кеча ҳам, кундуз ҳам зулмат ичинда,
Парво қилмас на Ой, на Қамар.
Ой ила Офтобда не айб дўстгинам —
Ўзингда бўлмаса аслида самар.

* * *

Май ерга тўкилди ҳаёт беражим,
Қўлимдан тушдию, синди қадаҳим!
Содик дўст-ёрларим қайга йўқолди —
Дарёнинг тубига чўқди садафим.

* * *

Келиш, кетиш билан ҳаёт бардавом,
Фарзандлар туғилар, тўқилар баёт.
Тугаган маҳали яна тўлар жом —
Тўхтаган маҳали бошланар ҳаёт!

СҮНГ СҮЗ ЎРНИДА

Поэзия — мусиқа — рангтасвир — бу уч омил ўзаро уйғунылышта бадий асарни шоир рухиятида туғилған асл ҳолатта яқынлаштыради. Ижодий изланиш, рухимизда зухур бўлган ана шу аслиятни бус-бутунича ифодалаш йўлидаги машаққатлардир. Ҳали дунёдаги бирон-бир шоир юрагида кечган туйғуларни тўлалигича қозозга тушира олган эмас. Қозозга тўкилғанлари эса гўё, тушда кўрганларингнинг узук-юлуқ манзаралари кабидур... Шоир бутун зеҳни-заковатини ишга солиб, ана шу манзара ва ҳолатларга зеб бера бориб, мантиқ салоҳияти или турфа лиbosлар кийгазади, унинг аслиятида мавжуд бўлган мусиқа, рангтасвир ҳамда инжа туйғуларни жонлантира бориб, қайта руҳлантирап экан, илгари кўрилмаган, мутлақо янги, моҳиятан фавқулодда кашфиётлар яратишга уринади... Улар нечоғлик мазмунан ва шаклан турлича бўлмасин, барибир олдин содир бўлган ҳолатларнинг такроридир. Бу дунёда янгилик йўқ, биз такрорларнинг такроримиз!

Ана шундай уринишларни бошқа соҳалардан кўра яхшироқ, жозибалироқ уҳдалагани учун поэзиянинг мавқеи доимо юксак бўлган. Санъатнинг бошқа турларидан фарқли ўлароқ, поэзияда муайян амал қилиниши шарт бўлган муҳим қонуниятлар, либосий чекланишлар йўқ. У поёни йўқ поёнсизлик! У инсон рухиятининг ҳали ўзи англаб етмаган кенгликларидир! У-вақт ва масофа, замону маконга бўйсунмайдиган ҳаракат... У-биз англаган, англамаган, англашимиз зарур бўлган, англашимиз таъқиқланган нарсаларнинг ҳаммасидир! Шу сабабли шеъриятда биз ненидир қисқартирсак-узайтирган, ненидир инкор этсак — исботлаган, ненидир йўқотсак топган, роҳат қилаётib — азобланган, энг тўғри йўлни танладик дея кўнглимиз чоғ бўлиб турганимизда, мутлақо адашиб кетган бўламиз. Поэзия ҳақидаги барча қонун-қоидаларни ўрганиб чиқсан маҳалимиз эса шоирлик иқтидори билан видолашган, барча қонуниларни инкор этганимиз ва бу бемаъни фаолиятга қўл силтаган пайтимизда эса яна телбavor туйғуларнинг беминнат хизматкорига айланган бўламиз...

2000 йил..

МУНДАРИЖА

Умид.....	3
Ватан севмоқ ибодатдир.....	4
Ҳали келар офтоб келар зар сочин ёйиб.....	5
Мажнун Лайлисига етаолмади.....	6
Ҳануз.....	6
Сен бу дунёнинг, шарбати.....	7
Дараҳтлар неча бор баргини тўқди.....	8
Ёлғизман.....	9
Қор ёғса ҳам негадир иссиқ.....	10
Яшасанг —севиб, севилиб.....	11
Сафар бордир.....	12
Энг тоза кўйлагинг эгнингда.....	13
Кўнгслим.....	14
Ёмғир.....	15
Тонг куш.....	16
Ўзга юртда нотаниш бир қиз.....	17
Ташриф шундай бўлди кутилмаганда.....	18
Бир эркин қўшиқлар кўйламоқ истар.....	19
Баҳор.....	20
Чўлпонга иқтибос.....	21
Ёдингдаму.....	22
Күшлар тарк этибди бизнинг боеларни.....	23
Кўрдимки дунёда қонулар кўпдир.....	24
Тилсим.....	25
У энди ҳеч қачон қайтиб келмайди.....	26
Эслаш.....	27
Мерос.....	27
Илк севги армонлари.....	28
Кўз ёш тўқдинг хўрсиндинг.....	29
Мени ўз қошига чорламас бирор.....	30
Тун бўйи шивалаб ёғди.....	30
Тонг күшлари келиб кетдилар.....	31
Кеча келган эдим, бугун ҳам келдим.....	31
Хол.....	32
Бу дунёда учрашмадик биз.....	33
Дўст бўлсанг.....	34
Ой дала.....	35
Хофиз.....	36
Аёлни ардоқла.....	37
Асрарнг.....	38

Ватан.....	39
Пули йўқ одам ҳақида қўшиқ.....	40
Сенга не бўлди.....	41
Бу дунё ёлғон.....	42
Аросат.....	43
Бу ҳам замоннинг қаттол ўйинида.....	43
Севдим деган сўз.....	44
Омонат.....	45
Туркманинг.....	46
Нилуфар.....	47
Ўнта укам бору., лекин ёлғизман.....	48
Ҳаёт бир илмидир боши йўқ, охири йўқ.....	49
Ҳақиқат.....	50
Сенинг кўзларингни жуда соғиндим.....	51
Юрагимга.....	52
Ташаккур.....	53
Пиёдадан чиқсан фарзин ҳақида қўшиқ.....	54
Туш.....	55
Дарё.....	56
Сергей Есенин.....	58
Она дегандим.....	59
Муборак.....	60
Қайларда эдинг.....	61
Куш, овчи ва ит ҳақида баллада.....	61
Шоирларнинг маъшуқаларига.....	62
Ўгит.....	64
Полвон.....	66
Зикр.....	67
Умр.....	68
Сиз ўшами.....	69
Ики чашми эгиз офтоб.....	70
Фазолардан.....	71
Айлангайдур.....	72
Баҳс айламанг Мажнун билан.....	73
Хабар бордир.....	74
Фарғонани.....	75
Рауф Парфи ЎзТурк.....	75
Ёдингдаму, сангдиллар қонимга қонган кеча.....	76
Бу дунё сенга кенг, менга жуда тор.....	77
Кел, дедим қон йўйладим.....	78
Бул гўзал чехрага боқ.....	79
Лоладанди ол яноқлар.....	80
Сирли олам.....	81

Қачонгача.....	81
Күзлари кундан ёргу.....	82
Кел кулбамга, кел эй дүст.....	83
Кетдилар қайтмас бўлиб.....	83
Шарпа.....	84
Адашғанман.....	86
Аста-аста.....	88
Раммол қиз.....	89
Ватаним.....	90
Сен мени эркала.....	91
Мұхаммад Юсуф.....	92
Булоқ сувин көлтириди кечा.....	93
Қисмат.....	93
Шоҳ Усмон манзаралари.....	94
Самарқанд.....	96
Таниш ҳасратлар.....	98
Сезмайсан.....	99
Хұмоюн билан қишлоқта сафар.....	100
Хұқуқшунос дүстимга.....	101
Тараддул.....	102
Тұхтанг.....	103
Ота.....	104
Маънавиятчиларга.....	106
Олмалар.....	108
Беҳәе илон.....	109
Илпіско.....	110
Кұхна үтітлар.....	111
Софинч.....	112
Азиз.....	113
Деконбонинг арзи.....	114
Келганды фасли қаҳратон.....	115
Тилақ.....	115
Шұхраттараста.....	116
Худо таъқиқлаган ишлар.....	117
Сирлар.....	118
Эркин.....	119
Омадсиз.....	120
Ҳамқишлоқларимга.....	121
Хеч кимнинг боласи ўлмасин.....	122
Үткінчи дер эди дунёни отам.....	122
ТҮРТЛИКЛАР.....	123
СҮНГ СҮЗ ЎРНИДА.....	156

ҲАМРОҚУЛ АСҚАР

ДАРЁ

ШЕЪРЛАР, ҚЎШИҚЛАР,
ТЎРТЛИКЛАР

Муҳаррир *Ш.Курбон*
Бадий муҳаррир *А.Турсунов*
Техник муҳаррир *Т.Смирнова*
Саҳифаловчи *Р.Исақулов*

Китоб “PEGAS—MEDIA—PRESS” МЧ Жамияти
ҳомийлигига нашрга тайёрланди:
E-mail: pegasmediapress@mail.ru
Китоб муаллифлик ҳуқуқлари билан ҳимояланган.

Босишга рухсат этилди 21.11.2006. Бичими 60x841/16.
Ҳажми 2,75 б.т. Нусхаси 1000.
Шартнома 106/3 Буюртма № 187
Баҳоси шартнома асосида.

Алишер Навоий номидаги
Ўзбекистон Миллий кутубхонаси босмахонаси.
100033, Тошкент шаҳри, Ҳ.Сулаймонова кўчаси, 33.